

光緒重修安徽通志

重修安徽通志卷一百七

武備志

兵事九

我

穆宗毅皇帝同治元年春正月甲申朔

命欽差大臣兩江總督曾國藩爲協辦大學士乙酉克復六合捷奏至

壬辰克復天長捷奏至

平定粵匪方略

命兵部侍郎勝保爲

欽差大臣督辦皖豫軍務援潁州並辦苗練返正事又

命李續宜由三河尖袁甲三由臨淮李世忠由懷遠援潁州

豫軍紀略

丁亥潁州守將馬陞等敗賊於城北己丑賊攻十里鋪之王圩
敗退庚寅地雷發東北關圯副將馬陞游擊范文英李定邦等

力堵之天反風焚斃賊千許癸巳破賊二壘是日勝保援潁之

師道員洪貞謙總兵成祿戰賊茨河鋪不利退到家集阜陽縣志

文英李定邦見邸報及粵匪紀略時張落刑分遣姜台凌領四十餘旗援太和

勝方略署按察使黃元吉廬州知府馮志沂副都統薩薩布均

以癸巳馳抵太和過河迎剿擒斬多名乙未毫捻撲城馮志沂

城守薩薩布出擊獲勝方略丙申丁酉黃元吉連擊敗之太

和城圍立解方略賊踞邢圩攻稅子鋪破陶砦武舉陶

冠儒死之太和縣志庚子至癸卯成祿等擊賊迭勝勝保令誠順等

分擊馮塘游擊閻連升堵穗子鋪方略賊又於潁州作

長濠隧地道乙巳地雷復發兩隧併反轟賊多死城如故阜陽志

庚戌潁州守軍破賊任家堂及大王廟諸壘卡方略阜陽志

蒙城知縣蘇履中之姪國柱為苗逆所執請於履中以易苗添

運不許辛丑遂圍蒙城甲辰苗黨張建猷至西澗乙巳圍練禦
之練總柳慎修梁得勝陣亡丁未李南華丁叶蘭攻張建猷於
馬家店奪其數壘

蒙城縣志

苗黨丁湖臣久擾五河聞官軍至固鎮

五河縣志

於小梁莊築壘抗

拒經官軍攻破兩壘所贖一壘夜潛遯丁湖臣竄伏李相臣圩

內

袁甲三片奏

旋走宿州

五河縣志

升任知州英翰令把總丁永貴擒丁

潮臣及其黨八人於州西關伏誅

宿州志

官軍前破魯港未置守賊復踞之戊戌曾國藩檄曾貞幹自樅

陽移赴銅陵以下扼繁昌蕪湖相機進剿

曾國藩咨札彙

旌德太平踞逆寇箬嶺丁未侍讀呂錦文敗之太平縣山口許

勘踞逆吳榮慶獻隘投誠機洩不果

旌德縣志

荊州將軍多隆阿由舒城移剿廬州丁未副都統溫德勒克西

總兵雷正綰石清吉擊敗城賊來撲營者

方略官文多隆阿疏

二月甲寅朔雷正綰等渡河焚賊船進偪廬州攻燬買賣街乙

卯夜焚大興集賊卡丁巳石清吉等破西門得勝門外木城石

壘偽英王陳玉城率眾出援雷正綰截擊敗

方略官文多隆阿疏

道員劉連捷自無為移軍司家港望城岡會國藩檄副將熊登

武由安慶填守無為

會國藩咨札案

丙辰兵部右侍郎彭玉麟督飭總兵李成謀李朝斌李濟清彭

楚漢副將左光培羅進賢分路擊敗東梁山偽愛王西梁山偽

親王裕溪口偽善王及雍家鎮各逆

方略會國藩彭玉麟疏

大臣袁甲三遣都司褚開泰攻克梁園癸亥進攻香積寺踞賊

甲子夜平其四圩

方略袁甲三疏

諭議政王軍機大臣查明軍興以來封疆將帥忠良死節諸臣

賜祭予諡其大小員弁紳團兵勇人等雖經隨時議卹仍著各路統兵

大臣地方大吏查奏

同治元年二月初十日京報

丙寅粵逆窺羊棧丁卯六路入嶺黟縣陷知縣張仁法會防軍

蔣信玉等分攻一晝夜諸路賊大敗戊辰城賊宵遁己巳出漳

嶺遂復黟縣

黟縣志

戊辰鮑超進兵青陽副將劉順隆等平西北門賊壘賊黨由南

陵撲銅陵踞順安鎮銅陵守將周萬倬等禦之賊稍卻

方略會圖

疏銅陵縣志

太和擒匪自戊午破前張砦壬戌和均砦穆砦己巳稅子步砦

卽慧子鋪

謝家砦庚午後張砦龐家砦皆破練總文生李春亭等死

之同死者數百人

太和縣志

苗沛霖復求返正勝保令圍張落刑穎上

豫軍紀略

辛酉阜陽東練

苗黨王金魁董志誠擒擒首尹韜江生乙丑蒙城圍亦解丙子

苗沛霖率眾雅髮赴穎上蒙城縣志

總兵張得勝克定遠之店埠斬粵匪卜逆京報袁甲三疏
粵匪紀略

旌德團練敗粵逆於黃華嶺竄涇旌德縣志

壬午晦粵逆竄赤嶺入祁門葉村倫阮上下汪村金山栗里上

下若阮諸處焚掠四日仍出赤嶺祁門縣志

是月李續宜令提督成大吉總兵蕭慶衍等軍由固始援潁渡

淮至大橋集壬午敗賊於小運河距潁州二十餘里李續宜奏案

三月癸未朔成大吉擊敗圍撲蕭慶衍營賊甲申戰退張落刑

陣亡百餘人李續宜奏案
國史李續宜傳
此案內陣亡參

李存林杜開玉楊運昌把總李世林羅相周劉仕成王可發鄧

洪發張大華劉和亭王正意陳楚望外委袁世雄黎上達高得

勝潘得勝艾得勝廖興福李為柳胡發龍胡世成何生才胡運

德李昌照曾喜順黃春雲江定邦何海清嚴得穩羅成祥朱名

揚劉澤先郭萬興其是日勝保師至破賊泉河北阜陽縣志乙酉勝

保賈臻夾擊破賊三十七壘方略勝成大吉之師會合分路

並進豫軍紀略丙戌潁州府城圍解奏案方略勝保賈臻疏李續宜

略阜陽太和

各志並同燕湖踞逆偽堵王黃汶金竄荻港丙戌竄繁昌之舊縣丁亥水

師總兵李朝斌敗賊營房觜戊子會同萬化林敗賊舊縣同知

曾貞幹進駐三山夾乙未敗賊洋夾河丙申敗賊三華山荻港

肅清曾國藩疏

鮑超自青陽援銅陵己丑戰橫塘副將王衍慶黃慶顏紹榮知

府伍華瀚平二十六壘斬偽將洪逆賊潰走南陵偽奉王古隆

賢糾悍賊至青陽築九壘丁酉鮑超還軍破之古逆走石埭戊

戌鮑超督同婁雲慶黃慶王衍慶楊鎮魁張應超進攻青陽劉

順隆先登遂克青陽殲賊萬餘擒千一百有奇陣亡十有七人

方略會國藩疏

是役陣亡副將羅春鵬參將李遇春劉勝

武都司楊安民張伯昇守備盧廷章千總吳定元王大

劉正高黃定魁李仁壽外委雷得勝楊宏勛劉名德

唐從之張順發張有貴青陽志作四月克復誤

己丑大臣曾國藩令福建延建邵道缺道李鴻章率湘淮各軍

程學啟張樹聲劉銘傳潘鼎新吳長慶滕嗣林張遇春等營東

下壬辰至上海軍城南

會國藩咨札聚粵匪紀略

戊戌巡撫李續宜奉

命幫辦勝保軍務

方略

江甯踞逆渡江李世忠擊敗竄和州踞駐馬河總兵王茂元破

之復駐馬河

袁甲三疏和州志二月

偽匡王賴汝鴻竄繁昌撲三山同知曾貞幹敗諸三山王寅襲

繁昌癸卯克之

會國藩疏

丁酉布政使曾國荃率水陸各軍進規巢縣擊退望城岡竄賊

庚子克銅城關辛丑復雍家鎮壬寅復巢縣克含山甲辰蕪和

州敗賊鉞魚薺乙巳克裕溪丙午破西梁山曾國藩疏 此役把總鄭安盛張興

富陣亡 含山縣志 和州志

鮑超率婁雲慶等進兵龍口癸卯克石埭甲辰敗賊於甘棠復

太平縣庚戌敗賊於灣灘復涇縣曾國藩疏 案太平縣志克復在二月涇縣志克復在丙

午日旌德縣志侍讀呂錦文三月二十三日乙巳收復太平縣並誤

曾貞幹既拔繁昌己酉會合水師總兵李成謀攻克魯港辛亥

復南陵曾國藩疏 南陵縣志

徽州防軍福建按察使張運蘭復績溪乘勝攻旌德旌德縣志壬子

晦薄城下聶圮城垣總兵張運桂先登將士多傷而退粵匪紀略

四月癸丑朔復旌德旌德縣志 粵匪紀略作初二甲寅

丁巳總兵李成謀會督水師焚采石磯江口賊船登陸薄金柱

關垂克以東梁山賊援磨至而還

會國藩彭玉麟疏

勝保令苗沛霖攻賊潁上戊午復潁上縣

方略勝保疏阜陽縣志系於二月十

日擒偽軍師譚文蔚等

阜陽縣志

勝保駐太和攻邢圩擒首邢冠軍

邢金蘭皆就擒王浩然等踞圩拒守

方略勝保疏

癸亥擒匪犯靈璧團練敗之甲子靈璧陷練總莊洪然李雲章

等死之

靈璧縣志

粵逆竄掠宣城之新圩

宣城縣志

粵逆犯滁州來安李世忠擊走之

國史袁甲三傳

時陳玉城久踞廬州多隆阿督總兵雷正綰等攻之增礮臺二

十餘座晝夜轟擊四面合圍袁甲三飭總兵張得勝徐鵬副都

統克蒙額會攻壬戌張得勝於北門外設伏誘戰大敗之遂薄

城下丙寅夜賊分門出撲諸軍合擊賊大潰士卒踰城濠而入

丁卯克廬州陳逆奔壽州中津渡

自文等疏方略袁甲三疏國史多隆阿袁甲三傳

袁傳原文徐鵬上有知府字案徐鵬由行伍歷河南總兵署壽春鎮總兵

勝保令苗沛霖截剿己巳

苗沛霖遣苗憬開誘之入城會同游擊朱佩綏執之並執偽導

王陳仕榮偽從王陳德澂偽天義陳聚城陳安城梁顯新偽將

向士才等縛送潁州擒匪張落刑要劫諸江口集爲我軍所敗

遂將偽英王陳玉城檻送

京師方略勝保疏奉

旨卽所在正法抵延津礮於市

豫軍紀略

傳首皖楚至潁州時潁人設張國

樑李續賓吉爾杭阿李孟羣之位祭告之

阜陽縣志

己巳擒匪攻太和之胡圩團練擊走之武生劉南春戰歿

太和縣志

勝保攻邢圩辛未邢政舉縛王浩然以降遂復邢圩擒匪張落

刑句粵逆馬融和來援踞太和之陳橋勝保令烏勒興阿剿敗

之張落刑竄雒河老巢

方略勝保疏案張逆歸巢豫軍紀略系於是月十二日

馬融和

西竄

阜陽縣志

壬申曾國荃自西梁山南渡偪金柱關而營彭玉麟令外江內
江淮揚各水師從下游環擊以遏賊前曾國荃營成即趨太平
賊不虞官軍越蕪湖而先攻金柱關又不虞甫營金柱關遽襲
府城也閉關不及我軍擁入遂克太平府癸酉彭玉麟督同李
朝斌等攻克金柱關毀三汊河上駟渡諸壘外委王有章戰死
黃翼升破東梁山移軍蕪湖甲戌曾貞幹周萬倬劉祥勝會克
蕪湖彭毓橘追斬甚多王明山破烈山各壘

曾國藩彭玉麟疏外江各水師係李

朝斌王明山萬化林郭明釐唐學發內江水師係喻俊明任星

元王吉成發祥鄧萬林淮揚水師係黃翼升歐陽利見陳東友

張元龍成俞卿楊宏勝王東華蔡餘賊下竄東壩

富塗縣志

己卯李續宜令道員蔣凝學游擊王文光等剿苗黨黃毛獸倘

貫金於霍邱賊宵遯庚辰復霍邱

方略官文會
國藩李續宜疏

並剿撫附近

諸賊墟

國史李
續宜傳

己卯苗黨張逢科踞靈璧北鄉張家橋圩

靈璧
縣志

五月壬午湖曾國藩興辦太湖水師先是奉

諭興辦

淮揚甯國太湖三支水師其淮揚一支已令黃翼升統赴通泰

防剿及是蕪湖克復陸師進圍甯國乃興辦甯國太湖兩支合

為一支統名曰太湖水師先疏通固城南漪水陽清弋等處再

由東壩駛入太湖

曾國藩
咨札彙

提督鮑超率總兵朱國永等軍進攻甯國府甲申克寒亭管橋

梅店獅山平賊三十五壘移軍進距府城十餘里時曾國荃由

太平下偏金陵癸未彭玉麟王明山督水師策應水陸連破關

隘水師泊江甯之護城河口陸師駐雨花臺距江甯南門五里

許曾國藩疏寒亭之戰陣亡游擊鄭永福都司陳得勝向全
把總劉昭得范瑞恆陳泰嘉王敦富周桂
華晏光照陳宏賓外委常子雲周樂成

己丑張逢科擾靈璧北鄉破殷寨及趙家樓圩姚廣武率師援

剿賊退張家樓圩袁甲三令徐鵬克蒙額等攻復各圩靈璧縣志

勝保令烏勒興阿剿捻首王懷義己丑敗諸亳州之雙溝又遣

兵敗諸沙河南岸楓橋集方略勝保疏

捻匪擾宿州圍二郎山砦兩旬餘練總馬惟敏喬元功等合砦

自焚二千三百餘人皆死之宿州志

辛卯鮑超進駐烏沙鋪丙申令婁雲慶吳騰芳伍華瀚剪炳南
伏碑亭岡唐仁廉陳得勝明興馬勝奎伏安宜口以韋志俊薛
金榜爲游兵以宋國永周有勝王衍慶取中堅以黃慶劉玉堂
劉順隆爲兩翼大破粵逆僞輔王僞桂王於望城岡并平抱龍

岡安宜口碑亭岡敬亭山各賊壘進軍甯國府城下三面圍之

曾國藩疏

是月甲辰部臣奉

欽依安徽省城仍建安慶並設立長江水師

吏部咨文 語詳
輿地江防各篇

六月八日己未鮑超敗賊於甯國府城北辛酉又敗諸城南乙丑宋國永黃慶明與李文益馬勝奎敗偽循王魏超城偽玕王洪仁玕於城南胡盧山鱖魚山賊潰韋志俊張遇春周有勝熊鐵生截殺於浮橋偽襄王劉官方在城北棄廟埠圖山而遁婁雲慶馮標唐仁廉與伍華瀚譚勝達吳雲集分路追殺同時城賊出撲張應超楊鎮魁段大有等敗諸西門丙寅偽輔王楊輔青山大東門背城決戰鮑超督諸軍驟擊大破之追奔六十里近洪林橋矣楊逆回撲馬勝魁陣亡將士多折鮑超列圓陣環

剿之楊逆僅以單騎超免城賊失楊逆方議降議戰議守未決

鮑超已回軍入東門遂克復甯國府前後殺賊近二萬生擒酋

目三百有奇獲礮六十有五乘勝復甯國縣城

曾國藩疏

初偽保王童容海者洪姓也因恥與首逆同姓改姓童驍勇善

戰隸偽翼王石達開上年由汀入浙轉隸偽忠王李秀城本年

以捐殺各酋與羣賊有隙及來援甯國府率眾六萬不戰而約

降於鮑超辛未襲取廣德州以獻率眾就撫鮑超為請於曾國

藩許之謂招降古無良策必降將才足馭其黨而後無反覆爭

鬪之虞官軍氣足懾降人而後無幹弱枝強之慮童容海人數

太多恐其別生枝節飭鮑超酌量三千人編為五營餘盡遣散

曾國藩疏 附遺散條款一降眾造冊點驗除挑留外按名給路費錢一緡各給護照填寫姓名籍貫并書裔從因治四字一

分別原籍省分一省之中又分府屬遠近少則合數府為一起多則合數縣為一起每起人數少則四百人至多不准過千人

每起給旗數面上寫遣散被脅良民第幾起字樣一各起人果
擇明幹頭目帶領起行其頭目賞給守備銜五品頂戴每名月
給薪水銀八兩各給一劄及解散一事由該管鎮將開單保獎各頭目
差如經行之處並無滋擾情事由該管鎮將開單保獎各頭目
管解之人自行造冊一分酌該管鎮將處備查並具沿途不敢
滋事甘結存案一違發後各起人眾均由陸路行走不許由水
道強擄民船攜帶軍器如違
嚴究 見會國藩咨札案

是月

欽差大臣科爾沁博多勒噶台親王僧格林沁自金樓旋軍鹿邑將進
擣蒙亳於是各捻首羣思出竄又聞粵逆偽扶王陳得才等出
陝西折竄河南議由閒道西與之合事聞

詔勝保率師駐河洛以潁州一帶軍務資成李續宜豫軍紀略續宜令甘肅

安肅道蔣凝學率楚師駐守潁州阜陽縣志

七月袁甲三病劇請開缺回籍國史袁甲三傳李續宜奉

命為欽差大臣督辦安徽軍務旋丁母憂改署巡撫尋

子假同籍國史李績宜傳

命僧格林沁統轄山東河南軍務並調度直隸山西防兵直隸山東河

南山西各省督撫提鎮以下各官及正白旗漢軍副都統遮克

敦布右侍郎毛昶熙署漕運總督吳棠均歸節制其蒙亳徐宿

防兵一併調遣國史僧格林沁傳苗沛霖懼退出壽州正陽國史袁甲三傳

其黨亦向楚軍道員蔣凝學聲稱願退出壽州正陽關兩處但

求不報克復曾國藩疏而穎上縣城尙為所據閏八月戊申奇諭

八月苗沛霖自壽州往下蔡壽州志句捻匪李城攻蒙城蒙城縣志

巢縣陷巢縣志人物傳粵逆自巢縣趨英霍圍廬江桐城戒嚴桐城縣志

降將童容海剿建平挫退所部頭目眾多各爭雄長中懷反側

容海不能制偽目張得勝陶子高等同二萬餘人投歸偽輔王

為目朱大椒黃三元等同二萬餘人在廣德州內

關童谷海自率萬餘人奪門出走甯國歸鮑超軍廣德州復陷

曾國藩疏

閏八月丙申蒙城團練敗捻匪李城追奔十餘里

蒙城縣志

偽護王陳坤書犯金柱關癸巳侍郎彭玉麟督水師禦於花津

五戰皆捷賊退踞薛鎮

曾國藩等疏

旋由東壩犯小丹陽羅逢元率

兵圍迎戰不利

當塗縣志

小丹陽之賊又由東壩拖過戰船數百分

布固城南漪諸湖圍出江戊戌彭玉麟親乘飛划迎擊提督楊

載福聞警赴援先毀姚老圩賊浮橋賊不得渡

曾國藩等疏

逆首黃

汶金胡鼎汶均由東壩來犯

曾國藩等疏

先於丁酉竄竹塘宣城團練

軍功王樹德等戰死

宣城縣志

遂撲金寶圩鮑超養病蕪湖宋國永

代統甯國防軍派霆峯等營禦諸新河莊庚子爲賊所乘挫退

回甯國

曾國藩疏

賊掠汪圩沈鎮

宣城縣志

踞廟埠仰賢圩油榨溝新河

莊將由新河莊犯甯國府西若不得逞則繞竄南陵青陽上犯

江西鮑超力疾自蕪湖回甯國府軍於城外張運蘭入城全部

登陴嚴守

曾國藩疏

辛丑曾國藩令前南韶連道吳坤修率國防營駐蕪湖並巡查

江面

曾國藩咨札葉

毫北捻匪李廷彥踞盧廟邢大莊等處乙巳王大臣僧格林沁

自夏邑移軍商邱之黃仲集丙午進攻盧廟賊巢丁未戰盧廟

東北殺斃甚多生擒李金兒斬之

方略僧格林沁國瑞疏

九月三日壬子鮑超敗粵逆於廟埠乙卯甯國縣陷

曾國藩疏

粵逆自河南湖北回援江南途出英霍曾國藩檄道員毛有銘

軍三河尖提督成大吉由三河尖馳赴英山霍山相機截剿檄

總兵石清吉嚴防廬州截留江蘇署巡撫李鴻章所派同知張

樹聲等續募之淮勇五營守運漕鎮檄參將梁美材由無爲渡

江協防蕪湖

曾國藩疏
及咨札彙

自甲寅至辛酉東壩之賊結筏偷渡屢偏金柱關我軍疊擊之
焚隔河賊壘賊遞魚壩丁卯水陸諸軍敗賊於花山周萬倬等
追殺於上駟渡水師斷浮橋賊回關父創死者萬餘我軍又焚
密頭一帶賊壘副將郭明鼐都司洪得勝千總王明元陣亡自
己巳至戊寅平毀花津青山象山采石各賊巢蕪湖金柱關六
十里之間賊踪遂絕

曾國藩
等疏

丁卯之戰也總兵朱南桂羅逢元

協同當塗團練訓導邵學曾等會水師由新造橋追至護駕墩

殺賊無算

當塗
縣志

甲寅王大臣僧格林沁仍攻盧廟將軍國瑞率舒通額等進攻
毫北邢大莊破其數卡乙卯進攻張大莊守備謝起發先登破

之舒通額恆齡斬匪首張守玉收撫丁圩盧廟砦首唐承棕等
出圩投誠是夜盧廟擒首李懷篤遞去丙辰國瑞攻邢大莊誘
斬擒首李廷彥翼長翰林侍讀學士全順復盧廟收撫擒首李
興奇等丁巳國瑞攻邢大莊未下僧格林沁攻孫老莊翼長承
先蘇克金擁入擒斬擒首孫彩蘭等時總兵常山保等攻猛樓
賊宵遁併歸邢大莊恆齡夜襲之復邢大莊國瑞旋攻毀丁花
園其王新莊王路口五馬溝岳樓八里莊季聚園香鋪吳廟口
吳莊各砦均投誠僧格林沁令守備桂錫楨察實派常山保帶
兵同亳州知州劉蘭馨安撫之亳北肅清亳東擒首宋喜元等
亦殺賊歸正

方略僧格林沁國瑞疏 國史僧格林沁
傳 案渦陽縣志四月破盧廟斬李廷彥月誤

壬戌王大臣僧格林沁進攻亳東劉集蘇大幅老巢甲子克之
觀音堂踞賊聞風南遁於是亳州東南及渦河兩岸宿州一帶

圩砦次第投誠進攻蔣集戊寅擊退馬村橋來援之賊焚蘇閣

圩方略僧格林沁國瑞疏 湖陽志六月進兵劉集七月進兵蔣集並月謀

署巡撫唐訓方廬鳳道馬新貽同駐臨淮派直隸州李孟奎總

兵王才秀帶兵駐守蒙城蒙城縣志

張運蘭因病回湘己卯晦曾國藩檄總兵易開俊劉松山分統

其軍仍守甯國府曾國藩奏札是月滁州李世忠一軍奉

命曾國藩統轄見三年曾國藩疏

十月庚辰朔王大臣僧格林沁剿擒匪於蔣集獲勝乙酉舒通

額蘇克金敗擒首張落刑於渦北下游張橋方略僧格林沁國瑞疏

苗沛霖上書僧王僧王諭令自効於是敗擒匪於展溝破牛洪

李錦璋諸圩擒擒首張南薰阜陽縣志

苗沛霖覬覦長淮請設防僧格林沁札令鈐束練眾安分從戎

務農不可苛派民間專以勦擒為事江淮之防自有督撫籌辦

十二月戊戌先是勝保奏調苗練萬人入陝援剿回匪得

旨嚴飭並諭各路堵截九月乙亥

粵逆自浙江昌化入皖南績溪縣陷總兵唐義訓禦諸臨溪浙

江巡撫左宗棠令道員王文瑞來援會師雄路大破之賊逕遂

復績溪績溪縣志

丁亥偽匡王賴文鴻偽奉王古隆賢自廣德甯國竄旌德之六

都總兵朱品隆敗諸楊村辛卯撲城又敗之賊宵壘城下圍攻

兩晝夜朱品隆出擊破賊四壘丙申丁酉戰於大北門賊敗潰

戊戌平賊二十餘壘巡楊村城圍解旌德縣志

粵賊竄青陽縣境青陽縣志己亥竄灣沚宣城縣志

偽忠王偽對王羣逆自江甯北渡圍李世忠於九洑洲甲辰偽

對王衝過九狀洲江浦分竄和州含山巢縣曾國藩調提督蕭
慶衍會總兵石清吉守廬州道員毛有銘守巢縣同知張樹聲
等守運漕游擊吳長慶鄭占鼐王占魁知州疏長庚守無為以
同知李昭慶督飭運漕無為事宜檄道員蔣凝學撤回壽州正
陽關防軍移守潁州霍邱檄旌德援軍總兵周萬倬回守蕪湖
而賊已至巢含丙午含山陷丁未巢縣陷

曾國藩疏及咨稟
唐訓方疏
含山巢
縣等
志

十一月三日辛亥

曾國藩
片奏

偽匡王等由旌德走春嶺渡三溪

旌德

縣志踰黃華嶺

太平縣志

闖入太平縣

曾國藩
片奏

太平縣陷踞之分黨由

湯嶺竄徽境

太平縣志

癸丑入休甯儒村礮村越阜嶺竄黟潭口掠

西遞甲寅掠石山至四五都時皖南道葉兆蘭駐祁門先已撥

良營曹貴守黟續撥王金鼎由西武赴援是日良營迎剿賊走

西武王金鼎軍退賊遂過嶺分道花橋柏溪

縣志

乙卯祁門陷

浙軍道員王文瑞自績溪馳屯溪戊午復祁門賊宵遁出赤嶺

祁門縣志

粵匪紀略十月初三日祁門陷初十

趨田家樂

竄入石埭

會國藩片奏

石埭陷人相食

石埭縣志

賊將襲青陽

旌德縣志

偽對王踞巢縣後分黨撲西梁山防將周惠堂剿退

會國藩疏

癸丑

和州陷

和州志

山縣志同

乙卯銅城關陷丁巳運漕東關並陷

含山縣志

曾國藩疏同

壬申撲無爲州北門同知李昭慶率張樹聲等軍開城

迎戰水師曾昭美出新河口擊之記名按察使劉連捷亦自江

甯來會賊負創卻走蕭慶衍毛有銘先後馳至毛軍嚴備巢縣

東關之賊蕭軍專攻運漕銅城關賊

曾國藩疏

惟王中作十三日辛酉無爲州志同

偽侍王敗於江甯糾黨出東壩將犯金柱關分竄蕪湖曾國荃

令武明良軍東梁山朱洪章軍龍山橋丙辰金柱關守將截賊

於花津辛酉癸亥連敗諸上駟渡萬頃湖及梅塘之西岸乙丑
賊由陸路右至魚壩左至太平府其由水路者至三汊河環偪
我營爲朱南桂羅逢元所敗丁卯夜水師羅進賢李助發襲奪
賊船擒僞清天安陳緒賓庚午賊由窰頭復犯三汊河朱南桂
羅逢元朱洪章武明良併力搏戰追及河干水師萬化林唐學
發等蹙之賊墮水者千計甲戌夜水陸各軍東渡破卿家橋賊
卡涂家渡賊壘奪獲賊船百有十號洋礮二百餘尊自是賊踪
伏不出曾國藩疏當塗查家灣梅塘觜沿河居民築牆六十餘里隨
同官軍守禦當塗縣志

乙丑捻匪李城由虹鄉邵灣夜渡都統富明阿追擊於赤山陰
李城僅以身免泗州虹鄉志

丙寅宣城團練禦粵逆於柳鎮徐培貞等陣亡宣城縣志

己巳甯國縣踞逆由柿木鋪竄近涇縣東北庚午進踞潘村晏公堂癸酉涇縣守將總兵易開俊知府吳廷華各帶小隊至三界鋪夜遣死士潛往山岡舉火擾賊達旦甲戌曙吳廷華會合葉明瑞吳青雲攻潘村以蕭開章馬隊應之易開俊直趨晏公堂令王華國賀國珍分路抄擊鏖戰移時賊敗走適吳廷華葉明瑞等擊退潘村之賊追過壩頭由晏公堂斜趨而來會軍夾擊大敗之賊逃入黃村官莊窮追陷伏易開俊馬傷而墜蕭開章馳救更馬突圍而出軍士多折丙子賊乘勢圍撲涇城並會國藩疏易開俊會同知縣饒家琦登陴堅守涇縣志賊見城守謹嚴相率退去會國藩疏 粵匪紀略涇縣之賊十月初四日被援軍擊退日月並誤仍踞南鄉各村焚掠茂林團練殺賊甚多內閣中書吳鍾準等死之涇縣志南鄉團練記 參將倪昌明游擊劉西山都司湯德順蕭新恆守備譚金元劉華上戴德勝李勝福千總楊華普劉宗才李通才易芝青楊雄德

彭永發文定期鍾元信廖恆思周明德劉富春把總陳萬隆唐
鳳輝陳友發文欽友汪德明徐為政李國忠外委錢桂林郭勝
明彭金順張得春劉開芝從九品洪汝澹千總林興元馮步雲
楊玉順徐順昌章俊桃把總何勝開陳義志吳景勝晏宗和劉
玉山彭吉隆賀祥升蕭世瑞蕭榮貴外委李宏發江錦麟王立
升劉福堂李茂福以上五十一人易開俊吳廷華兩軍在涇縣
陣亡者見會
國藩奏案

粵逆竄南陵踞西河

南陵縣志

分擾黃墓渡對岸之小河審王申鮑

超赴黃墓渡督同何紹彩軍會防將王可陞軍誘賊過河一擊
敗之旋報花旗廣匪由甯國縣竄歙建廟直至高橋楊柳鋪吳
村馬頭鎮自甯國府南至涇縣北至鮑超所駐高祖山老營自
高祖山至清弋江南陵皆道梗鮑超遂自黃墓渡還援時偽根
王藍逆已對高祖山下砦偽佑王李逆已對清弋江下砦分遣
賊騎由寒亭高祖山摩壘而過繞出抱龍岡襲我軍後路鮑超
次清弋江先令宋國永守定老營乙亥部勒各營從抱龍岡進

兵令周有勝王衍慶萬守根孫得友四營攻中路唐仁廉劉天
勝吳雲集羅國才四營攻左譚勝達李文益洪容海鄧雲貴四
營攻右賊眾來拒密布長圍傷我營哨羅國才並陷於陣鮑超
令梁美材王清泉萬鳳書劉順隆何紹彩唐友勝黃海清七營
自山後分支抄入截賊數段賊隊大亂諸將士合力薄之平毀
歇建廟至楊柳鋪十數村落中賊壘卡追襲近六十里殲擒約
八千人自有此捷高嶺梅嶺麒麟山各賊伏匿不出者經月曾國藩疏楊柳鋪之戰陣亡者參將羅國才游擊劉昌元都司沈光勝李得勝何鳴鳳守備劉以發周福順易南香千總賀昌意徐正坦李邦勝把總吳耀彩副順明馮連及馮富才楊萬青胡發勝湯懋桂程榮華外委葉順祥朱宏發湯宏桂李賢貴
曾國藩以青陽爲涇南陵甯國後路檄旌德防軍衢州鎮總兵
朱品隆拔營由涇縣赴青陽曾國藩咨札稟十一月二十五日
十二月五日壬午青陽陷曾國藩疏癸未朱品隆撤旌德之防進兵

青陽

旌德縣志

旌德縣城無兵駐守旋為賊踞

曾國藩疏

癸未王大臣僧格林沁攻韓樓捻砦毀其圩捻首張平等竄逃

移軍攻夏張橋圩梟捻首楊魁汰楊魁汝

方略僧格林沁國瑞疏 渦陽縣志入

月進兵韓家樓梟首張潮階遜九月進兵

下張橋楊魁汰楊魁汝伏誅今避方略

潁州防軍營官賀三元收撫捻首胡麻三

阜陽縣志

丙戌彭玉麟督水師蕭慶衍率陸師進兵運漕丁亥陸師營成

水師曾泗美喻俊明護陸師向運漕自上攻下平毀大馬頭一

橋二壘彭玉麟親率成發翔王吉唐敏義向三汊河自下攻上

破石卡三石壘一引軍西上遇曾泗美等會蕭慶衍陸師克復

運漕鎮追至黃墩餘匪歸併銅城關於要衝築四卡以阻陸師

又築一水卡以阻舟師辛卯蕭慶衍移軍黃墩張家渡丙申彭

玉麟令水軍攻賊水陸諸卡盡破之結船渡陸師戊戌蕭慶衍

破陶家觜等處賊壘水師亦毀沿隄數卡焚岷山岡二壘繞出銅城關後己亥銅城關賊三路來撲水陸各軍擊卻之

曾國藩彭玉麟

疏含山縣志

當運漕之既復也庚寅曾泗美攻東關毛有銘渡河夾擊賊拒守不下毛有銘遂進規巢縣丁酉挫於芙蓉嶺總兵彭星占守備胡得勝劉義勝陳東祥千總謝濟偁把總呂鴻榜外委李春生力戰死之

曾國藩彭玉麟疏

偽侍王攻宣城之金寶圩丁酉圩陷練丁多戰死逃至蕪湖者尙數千人曾國藩編營安插之侍逆在圩中大掠仍圖窺蕪湖

金柱關

曾國藩片奏宣城縣志二十一日戊戌

己亥朱品隆軍次池州庚子青陽賊逕歸石埭壬寅官軍復青陽駐兵守之

曾國藩片奏青陽縣志二年春克復今依奏案

重修安徽通志卷一百八

武備志

兵事十

二年正月戊申朔偽匡王奉王襄王糾偽根

或作跟亦作顯

王藍得茫

花旗廣匪竄大阮黃村進逼涇縣環城築二十餘壘辛亥守將

易開俊吳廷華擊退撲城之賊壬子鮑超自高祖山疾馳抵涇

癸丑會攻附城諸壘將弁損折羅天順矛出右目王清泉中飛

子傷伏軍夾擊賊始大敗盡毀各壘斬馘盈萬涇圍立解乘勝

剿洗黃村甲寅鮑超回軍高祖山西河羣賊已集寒亭清弋撲

近老營南望旗幟相顧錯愕曰鮑超來矣一開而潰

曾國藩疏鮑軍援

涇陣亡者參將馬得勝游擊譚勝連周應成李大海都司許秋盛李洪興蕭德昭守備何福仁馮長勝到賜壽熊忠山彭德勝鄧友勝千總符國一到賜餘柳茂林陳其才楊平心李守清范正先常元彪把總朱朝輝傅宗興藍大龍毛章富向大祥譚鳳

詳張明貴張攸龍楊晉宋效思滕易順蕭相碑石如泉向士寬彭玉田外委劉金龍黃忠劉三元張明德楊彪陳萬才黃青陽吳世祥

旌德踞逆分竄七礮嶺續溪縣陷

續溪縣志

巨擒張落刑遣張總愚張淵渴孫四牙等由潁州援豫擒陳大清己未自苗家砦竄元牆集壬戌陳大清為豫軍張曜余際昌等追剿遞入阜陽之吳老莊乙丑張總愚等竄至侯集張曜等夜襲之擒獨角虎周馬

豫軍紀略蒙阜陽縣志肥北擒匪西掠卽此

蒙城團練隨總兵王才秀救張圩張圩已於辛亥為苗沛霖所破戊午唐訓方令普承堯泣問遂飭王才秀等備苗庚午李南華擊苗於全家集侯淑渠死之苗眾遂壘雙澗全家集王審偃

蒙城

蒙城縣志

宿州升任知州英翰督同貢生牛斐然等解散擒匪收撫劉天

福等二十餘人楊瑞瑛由豫回宿投誠

潯陽縣志

署江蘇巡撫李鴻章援常熟攻崑山調張樹聲等軍回滬曾國藩調韋志俊換防無爲州又抽調六安守兵助毛有銘顧巢縣甲戌曾國藩自安慶東下親赴前敵巡視江甯及無爲州蕪湖

金柱關

曾國藩疏

蕪湖防軍周萬倬吳坤修剿賊於南新圩三不管等處連踞四壘斬馘頗眾侍郎彭玉麟令水師任星元左光培移礮船於清水河以護之庚午賊黨自三里埂循河而下逼近蕪湖左光培潮流迎擊王三錫槍子穿脅仍揮兵將賊擊退

曾國藩彭玉麟楊載福疏

辛未僞侍王等在新圩角掠船搶渡朱洪章馳擊敗之朱南桂與水師謀曰賊在上游西竄我宜從下游東渡襲取薛鎮老巢甲戌羅逢元設伏花津而自攻中路朱寬義攻右朱南桂攻左

水師傍隄轟擊遂克薛鎮賊竄花津多爲伏兵所殺

同上

丁卯巨捻張落刑等竄宿州王大臣僧格林沁令都司施紹恒

會同宿州知州英翰進剿截殺多名辛未賊遞回雒河集尹家

溝白龍廟老巢甲戌僧格林沁移軍亳州渦河北岸之廟集收

復鄧樓張莊平其二圩

方畧僧格林沁國瑞疏

二月丁丑朔翼長舒通額等破尹溝雒河兩捻巢宿州知州卽

補知府英翰帶領投誠之楊瑞瑛王懷義龔耀來營南路已通

戊寅舒通額敗賊於張村堡己卯陣擒韓四萬庚辰擒劉二冤

卽劉劉四麻張延生劉登瀛均伏誅翼長全順擒斬蘇添才

卽劉賀繞兒等九名辛巳英翰收撫李勤邦劉添祥張慎德

卽劉王瀉潮羅克有

卽羅

侯泳固等卽於是夜生擒巨捻張落

刑並其子張禧義子王宛兒壬午孫葵汶

卽孫

姜台凌乞降劉

學淵超浩然均伏誅
方畧僧格林沁國瑞疏
志系於元年秋誤又僧格林沁原疏擒韓四萬程二老坎二日僧
訊明正法疏在方畧謹案方畧是年十一月二十二日僧
格林沁等疏內又有程二老坎赴恆齡行營乞降
准其効力贖罪等語故此文節去程二老坎一人
凌尋亦極刑處死己丑

諭曰巨捻張落刑受粵逆偽封擾害東豫江皖罪惡貫盈著卽極刑處
死其子張禧義子王宛兒一併正法傳首安徽河南山東等省科爾
沁親王僧格林沁仍以親王世襲罔替前奉

特旨賞用章服等項並仍准其服用侍郎國瑞從優議敘擒獲首逆之
宿州知州英翰本日已飭放潁州府知府仍賞加道銜所有善後事
宜令唐訓方慎選牧令招集流亡妥爲經理并

諭曰安徽蒙亳等處自遭捻患幾及十年田野荒蕪瘡痍滿目言念吾
民殊堪矜惻加恩蠲免錢漕二年以蘇民困
方

僞輔王僞隨王跟王堵王孝王佑王等曾以前月杪聚西河灣
訖紅楊樹黃墓渡麒麟山分竄高祖山之前後橫出楊柳鋪揚
言往涇誘鮑超援涇卽襲老營鮑超令宋國永堅壁守營自率
數隊伏太子廟山坳是月朔甯國府守將劉松山督同劉光明
賀國楨李芳菲出剿楊柳鋪賊敗遯烏沙鋪參將李芳菲追之
中礮死賊自烏沙鋪進徧獅山會合各逆圍撲高祖山老營宋
國永出戰鮑超率伏軍分路馳至夾擊大敗之追奔四十餘里
平高嶺周橋諸壘直抵西河賊倚水抗拒適盧榮忠礮舟由清
弋下駛水陸夾剿遂克西河是夜總兵王可陞襲破馬家園小
河窰各賊壘時潛訖踞賊將犯清水河水師萬化林任星元左
光培等宵襲灣訖戊寅己卯盧榮忠隨同轟擊賊縮入灣訖後
山退聚竹塘旋歸併梅嶺麒麟山庚辰鮑超攻克紅楊樹追奔

過桃花園焚竹塘灣止諸賊巢辛巳水陸各軍會復灣止是日
鮑超令宋國永熊鐵生梁美才攻麒麟山婁雲慶唐仁廉黃海
清攻梅嶺皆克之并收復仰賢圩劉松山亦破廟埠於是羣逆
分道逃竄一由新河莊敗往東壩一由油榨溝敗往廣德建平
曾國藩疏 又曾國藩彭玉麟楊載福疏 是役陣亡參將李
芳菲遊擊精德明都司龍金元童大有秦光華桂廷彪守備李
勝友賀永錫王國達殷世賓千總萬代寬吳耀彩戴春台吳得
勝把總董占彪王呈祥歐陽家李光容鄧三峯張雲林陳星貴
外委龍益元陳英隆吳成安鍾正耀艾世雄

朱南桂等之克辟鎮也仍駐營三汊河龍山橋分兵駐查家灣
新圩角以上是月朔賊由新圩角來撲朱洪章禦之戰方酣賊
別渡萬頃湖襲圍後路我軍敗挫弁勇多死朱南桂馳援令彭
維祥向以田向世驥劉紹林分路堵截自率數隊衝入苦戰逾
時朱洪章衝出重圍羅逢源朱寬義斷賊歸路賊大敗曾國藩
彭玉麟

楊載退入大官圩當塗縣志明日羅逢源朱南桂約蕪湖陸師周萬

倬吳坤修水師彭楚漢羅進賢其圖再舉又明日水陸並進毀

萬頃湖浮橋破賊壘卡搜剿上駟渡而還辛卯賊陣於梅塘背

查家灣對岸別渡新圩角專撲朱洪章營卡時李祥和自江甯

至壬辰率師助防新圩角甫至而防勇挫退李祥和力禦之斂

兵回顧老營羅逢元由陸公壩朱南桂朱寬義由霍木山馳援

四路衝擊賊大潰追奔至新圩角河干水師彭楚漢由梅塘背

戰勝亦追至河干併力剿洗會國藩等疏當塗民團隨剿殺賊殆盡

當塗縣志

癸卯會國藩巡視江甯還過大通聞偽堵王黃汝金等會由青

陽上竄卽兼程回安慶甲辰調喻吉三一軍赴池州李榕一軍

赴東流以截賊竄江西之路會國藩片疏是日建德縣陷建德縣志我兵

甫渡江賊已由建德入彭澤境而譚星及古賴等逆又已蔓延

於徽州各屬圖入江西

會國藩片奏

古賴等逆以是月朔入黟羊棧嶺大掠己卯出嶺己亥復入嶺

焚掠壬寅黟縣陷賊窮掠四鄉據四五都爲老巢

黟縣志

浙東敗

賊復竄入徽境將闖越婺源圖竄江西

左宗棠疏

其擾休甯八都及

黟八都者兩縣團練敗諸雙嶺又禦諸羅嶺黟團唐新貴等百

九人及夾溪團練盧興用等先後戰死

黟縣志

其竄歙西者以辛

酉由石橋趨休甯撲城守將唐義訓擊走踞梅林又繞北鄉抄

出西鄉三面合圍併力攻城浙軍來援敗賊於屯溪梅林賊回

踞石橋相持旬餘援軍與守軍夾攻之賊遯

休甯縣志

丙午晦入

黟與踞賊合

黟縣志

其績溪踞賊攻人面石諸堡團練禦卻之又

戰於石紋橋周國棟周兆基等三十六人均死之

績溪縣志

當是時

徽州三面皆賊大臣曾國藩僅畱唐義訓一軍防守徽休兩城

賴閩浙總督左宗棠派按察使劉典詣南道王文瑞兩軍江西

巡撫沈葆楨派同知王沐一軍分駐休甯祁門竭力防剿曾國藩片

疏劉典既敗賊梅林王沐又隨同劉典敗賊於巖寺草市王文

瑞亦敗賊於漁亭七里橋左宗棠沈葆楨曾國藩各摺片

三月丁未朔黟縣踞賊掠李村王沐敗之癸丑分竄祁門之蓮

塘甲寅掠橫路頭乙卯竄杉木塢丙辰撲柘木嶺多縣志庚申王

沐敗賊於柘木嶺迺雙溪流又敗之於李阮口茅蓬店高嶺腳

賊回竄黟縣四五都老巢沈葆楨疏時偽堵王由池州環攻祁門乙

卯距城十里王文瑞擊退祁門縣志丁巳大破之於小路口曾國藩片奏

斬偽佑王李遠繼左宗棠疏辛酉偽堵逆復台許家山賊薄祁門參

將韓進春血戰四時殺賊千餘梟偽孝王胡鼎汶沈葆楨疏癸亥王

文瑞自漁亭直下剿攻雙溪流石阮塘之賊并將柏溪金字

牌零匪擊退祁門東路肅清會國藩片同日劉典會軍分攻

黟縣踣賊賊潰克黟縣左宗棠疏知縣謝永泰率團隨同收復縣城

志王沐等軍駐黟迭擊撲營悍賊大破黃村盧村之賊陣斬

偽綯天義古汶佑追至羊棧嶺踣賊二十餘壘賊竄嶺外沈葆楨疏

會國藩片疏

我軍復灣沚後進攻三里埂是月丙辰克之賊宵遯黃池丁巳

水師萬化林任星元左光培攻克黃池戊午陸師朱南桂羅逢

元水師彭楚漢會破伏龍橋護駕墩花津各賊巢羣賊分竄金

寶圩溧水丹陽會國藩彭玉麟楊載福疏

偽忠王自北渡後據巢縣爲巢穴以東關銅城間爲鎖鑰以數

路牽制廬江無爲官兵而以大支趨無爲之石澗埠會國藩奏是

月二日戊申忠曾犯右澗埠守將毛有銘劉連捷禦之己酉庚戌連撲營濠我軍殪其前鋒癸丑焚其芻積乙卯毀其攻具賊暫卻旋增壘合圍文報糧運汲道俱絕曾國藩檄鮑超以援江西之師改援皖北未至曾國荃令彭毓楠率陸師彭玉麟令周萬倬劉祥勝率水師先後來援與蕭慶衍會軍黃雒河壬戌彭玉麟親督水師攻海子口遣死士入圍約期會戰是夜彭毓楠攻丁子鋪黃圖寺蕭慶衍周萬倬攻黃龍岡迎珠塔信礮發毛有銘劉連捷王載駟等衝出重圍併力夾擊盡平賊壘東關之賊來援爲彭玉麟擊退忠曾等向小嶺開成橋而逝時鮑超甫至無爲州石澗圍已解

曾國藩疏石澗埠陣亡者參將黃仁親都司趙人和守備蕭琪松劉紹志于

總吳秀高把總李大材毛昌五謝仁遇外委李升山沈謙德向慎先童景星

先是忠曾之圍石澗也遣賊黨竄盛家橋丁巳戊午偪犯廬江

守將吳長慶并截畱梁美材一軍城守辛酉出剿敗賊羅家埠

及石淵解圍忠魯遂以乙丑圍廬江丙寅吳長慶等出擊敗之

鮑超自無爲來援未至而城圍已解賊西竄梅心驛由界河迤

邐而北丁卯撲舒城防軍安肅道蔣凝學分軍迎剿設伏敗走

之執偽天將雨添幅

曾國藩疏
唐訓方疏

維時捻逆張總愚粵逆馬融和由豫而鄂而皖閒道疾馳

曾國藩疏

攻撲宿松

曾國藩疏

劫掠而去

宿松志

乙丑越過太湖縣界

曾國藩疏

太湖竄潛山焚掠兩口

潛山志

戊辰自潛山分竄桂車河陳智鋪

掠及懷甯之青草壩

懷甯縣志

突撲桐城守將周寬世開城迎

擊

曾國藩疏

戰於三里街擒斬頗多賊宵遁往孔鎮與忠魯合

疏水師副將周正林率師船駛入菜子湖分布練潭樅楊義津

橋各要津巡防扼守

曾國藩疏

青陽守將朱品隆攻石埭戊辰大戰獲勝仍回青陽曾國藩片奏

自捻匪張蔭荊就擒蒙臺肅清各圩歸正苗沛霖訂期散練歸

農

僧格林沁疏
唐訓方疏

而直隸山東教匪復熾僧格林沁率師北去

紀以是月乙卯移軍山東縣志王戌苗沛霖復叛襲蚌埠水營

張得勝迎擊獲勝逆黨分據懷遠唐訓方疏上阜陽縣志懷

遠典史魏文潮署穎上知縣漢煒署鳳臺知縣蔡錫主事秦承

壘知縣吳景春先後被戕唐訓方疏穎上鳳臺縣志甲子分黨趙玉華

童維翰李萬春回壽州並在正陽關毀關掠船而自攻蒙城唐訓方疏

壽州志又句通髮捻各逆招敗匪李城回巢唐訓方疏招阜陽東練

東練不應唐訓方疏時盧鳳道馬新貽駐兵蒙城已已蒙城練總李

南華李得勝敗逆練於東門蔡連魁等陣亡練總徐登善戰北

門總兵王才秀設伏擊賊大破之庚午蒙城縣志苗逆親引悍黨築

壘城東南計斷糧道

方略唐訓方疏

甲戌陣於河北縣志馬新貽令

游擊陳德雄排列礮船於河下自率兵練會王才秀分路出戰

逾時賊棄壘逕徐鵠等窮追擒斬多名惟兇渠張建猷堅持未

下苗逆復開長濠爲久困計馬新貽激屬兵練力守唐訓方飭

總兵張得勝進攻懷遠以掣賊勢自皖臨淮屏蔽鳳陽府縣兩

城

方略唐訓方疏

苗練已分犯鳳陽邊界知府文光知縣周灝各率

練勇城守

鳳陽縣志

偽忠王之敗於舒城也由桐城趨六安己巳前隊至十里鋪署

六安知州何家聰糧臺江西道員曾廣翼與副將王臨祥袁秀

林力籌守禦庚午賊大至自東南迤北而西面面結壘辛未三

路撲城東門城垣久雨潰損猝圯六七丈羣賊入王臨祥麾兵

攢刺擲尸城下曾廣翼袁秀林馳至悉戮進口之賊搶築木城

二道壬申賊傾巢出城上礮火猛烈賊斃無數裹尸而退甲戌

會廣翼等合勇士

曾國藩疏

楊士衡楊恩榕陳清寶許恩祥

六安志

城馳擊斃賊六人

曾國藩疏

穿過賊中調取團練道員李元華率東

鄉練勇從賊後直搗中堅進營南城外楊士衡等各領東南練

勇包賊之外於乙亥夜盡賊焚其二壘

六安志

丙子晦城中又絕

兵出襲鮑家圩掠糧之賊斬僞富天豫張承得僞左監議劉潮

柱時曾國藩檄鮑超由廬江劉連捷彭毓橘毛有銘由無爲援

六安

曾國藩疏

四月戊寅鮑超將至舒城而六安圍解忠曾悉眾東趨

曾國藩疏

定遠信宿南竄

定遠縣志

曾國藩檄鮑超由廬州追擊卽從柘皋進

攻巢北劉連捷彭毓橘蕭慶衍從迎珠塔進攻巢東蔣凝學毛

有銘由六安援壽州檄成大吉由鄂回皖會師壽州

曾國藩片

州志初一日
丁丑解圍

己卯蒙城團練李曰琳破苗逆八壘庚辰升任潁州知府英翰

援蒙城並調宿州團練駐城西南攻克丹鳳集蒙城志迭次出戰

襲奪賊壘破賊踞之穆家圩及張蔡兩圩蒙城之南各圩因此

不敢顯然從逆唐訓方疏並寄論又擊退濁溝之賊分兵駐小澗集

以通糧道旋還宿州蒙城志招撫山東遯回宿捻其附苗逆之韓

村及併入韓村之李成餘黨仍分別剿撫以孤賊勢唐訓方

奏僧格林沁令亳州知州李文森解銅碣游擊施紹恆率馬隊

先後至蒙城蒙城志時懷遠踞賊經官軍苦戰大加剿創唐

訓方奏懷遠陣亡者副將張起鳳都司黃定邦張苗逆遣黨

順喜千總張天伍外委吳有才謝泰山軍功黃勝華

往援蒙圍稍懈蒙城志巢縣踞逆以東關銅城閘為門戶使偽天安蕭逆等深溝高壘

重修... 卷一百一

負嶠堅守彭玉麟令水師曾泗美會合劉連捷毛有銘陸軍攻

東關壬午夜水師渡蟹子口陸師緣隄進伏九峯山譚國泰別

以木罌潛渡毀柵越濠徑薄壘下胡德雲石太和先登諸軍繼

之遂克東關逸賊為伏兵所殺詰旦七陳村南水坳打鼓山林

頭鎮援賊疊至劉連捷毛有銘率葛清泉李瑞二王載駟劉秉

珩等分擊敗之其銅城關一隘蕭慶衍彭毓橘會合水師喻俊

明成發翔張錦芳唐敏義於壬午日環攻不下乙酉分軍破關

後之百旺市五顯集賊壘乘勝攻銅城關丙戌克之曾國藩彭玉麟疏

是役陣亡者千總彭勝華把總曾彩雲胡德雲石太和

石埭踞逆擾銅陵銅陵縣志丁亥竄殷家匯直抵黃湓曾國藩檄援

鄂之水師新前營入寶賽扼黃湓曾國藩咨札彙

總兵余際昌戰擒匪於河南正陽縣之李寨乙酉進戰方寨殲

於陣

紀略

河南巡撫張之萬派兵攻克方寨擒斬戕害余際昌

之賊張振拴追剿新蔡捻匪偈回皖境

張之萬毛

擊陳大澹由

潁州一路遞歸雉河老巢

紀略

李續宜請開巡撫署缺專辦皖北軍務癸巳

諭從所請飭速赴軍營授唐訓方安徽巡撫

方

官軍復續溪縣

續溪縣志

先是粵逆以壬午日竄祁門入大赤嶺癸未防軍退之甲午復

入西鄉焚李村團練擊退

祁門縣志

曾國藩令道員李榕自建德援

祁門駐防夥縣之漁亭換劉典一軍扼景德鎮乙未李榕攻建

德不下亦不能穿過賊中以達祁門及是彭澤告警請援曾國

藩飭李榕罷攻建德上援彭澤

曾國藩咨札彙

官軍克銅城關後壬辰敗賊於笱箕山甲午陸師次洪家山水

師入巢湖丙申奪望城岡副將李宏試縛悍酋偽閩天安蕭逆
 斬之戊戌水陸會攻巢縣破窰廟沿河六壘是夜復巢縣己亥
 鮑超山柘皋敗賊於清溪鎮略地而東庚子蕭慶衍劉連捷彭
 毓橘與鮑超會師含山克之辛丑會水師成發翔楊占鼈攻和
 州亦克之曾國藩彭玉麟疏是役陣亡者參將陳邦榮楊繼
 處外委屈傳芝顏隆許李連勝其受偽忠王由來安攻天長不
 傷旋隕者副將黃福田游擊潘宏勝得逞而去天長縣志

庚子馬新貽令蒙城練總李南華擊敗苗逆於城東蒙城縣志令勇

目宋喜元等繞出城南總兵王才秀徐鵬繼進破賊兩壘並奪

城東十餘壘平其長濠方略唐訓方疏擒渦北總匪方廷芝蒙城縣志

苗逆圍攻壽州四面築壘周以長濠城西淮濱環列礮船城中

僅五百饑疲之卒方略曾國藩疏署知州毛維翼困守危城猶能出

擊並圍練分壁城外攻破賊壘

唐訓方奏 奇諭據

蔣凝學毛有銘授

壽州甲辰攻破牛尾岡三壘官弁陣亡二十四人會國藩檄催

成大吉由湖北迅赴三河尖授應西路調周寬世由桐城馳赴

六安保蔣凝學等後路調黃翼升水師自上海由洪澤湖入淮

駛至五河上掃滄渦淮淝汝潁諸巨川俾苗逆不得收水濱之

利

方略曾國藩疏

偽翼王石達開就俘於四川天全州伏誅傳首至皖

駱秉章等奏案

五月甲戌太平石埭踞逆分竄涇縣之茂林涇防總兵易開俊

迎剿殲斃盈千

曾國藩片疏

知縣饒家琦會同擊退

涇縣志

江西敗匪由浮梁竄祁門西鄉兵團擊走建德

祁門縣志

建德團練

金聿觀等截擊於馬阮水口

建德縣志

擒匪張闖回雉河

蒙城縣志

張總愚過定遠一宿亦同巢

定遠縣志

西陽

集高爐集皆叛從捻劫糧臺蒙城志旋聞

朝廷命僧王督軍南下出亳東進討羣捻復出竄於是蘇夢陳幅王

雖襲耀王廣張鞍張搭拉擾永亳境李大箇子相盤掠石弓山

諸處程四坎及陳大濬之子由六安竄入固始豫軍紀略相

或作項盤

苗逆誘執白圩練總王青雲李曰琳皆死之遂下李圩屠白圩

青雲曰琳及丁叶蘭丁雙魁劉玉龍並合家殉難蒙城糧絕升

任知府英翰遣馬隊自小淵齎糧入城蒙城志袁甲三在陳州奉

命急籌接濟乃倡捐餉需募敢死士聞道解至蒙城國史袁甲三傳

丁巳蔣凝學等授壽州之師毀東皋峰數壘辛未猛攻城外賊

壘不克三次苦戰折二千餘人苗燄彌熾方略曾國藩疏

六月四日己卯壽州陷自苗逆圍城署知州毛維翼苦守七十

餘日至是食盡力窮下蔡外委邱維城舉城獻賊維翼力戰死
之曾國藩檄蔣凝學移軍保潁州以衛豫境成大吉扼三河尖
以蔽鄂疆周寬世退保六安以固皖省毛有銘爲諸路游擊之
師又以苗逆窺伺臨淮檄何紹彩由甯國北渡前往臨淮並咨
調外江內河水師舢板赴臨淮援剿

方略曾國藩疏

苗逆使捻黨劉品印戕前蒙城知縣蘇履中破禮城圩築壘狼

山遏糧路馬新貽令李得勝破其壘獲逆黨胡敬先

蒙城縣志

庚寅粵酋古瀝賢犯夥十都漁亭防軍移守影城賊退

黟縣志

豫境敗捻丁丑由息縣己亥由鹿邑先後遞回皖庚子豫軍追

至亳西之李橋截殺百餘賊乃竄回亳東

豫軍紀略

七月庚戌苗逆撤小澗狼山諸賊壘使張建猷率援懷遠按察

使馬新貽破小澗河西胡圩署廬鳳潁道英翰破淪北宋圩築

十餘營於小澗北狼山時巡撫唐訓方攻懷遠失利

懷遠城臨淮縣志

喫緊調馬新貽理營務並抽調王才秀兵勇千餘人赴淮助

剿以署廬鳳道英翰接統其軍五千餘人緊當賊衝既而徑令

撤回小澗集距蒙城二十五里與城內聲氣不相聯絡賊遂乘

閒掘濠增壘合圍

方略富明阿疏

苗黨自破我懷遠圍師後復回攻

蒙城

官國藩片疏

四面皆賊惟宿道尚通英翰徵調糧餉

蒙城縣志數次

督戰設法疏通宿毫糧道令副將程文炳取高爐集斬擒首高

加

渦陽縣志

偽堵王等七悍酋擁眾十數萬在江西戰敗而東出羅家畝走

建德提督江忠義等窮追

官國藩片疏

建德賊逃

建德縣志

建德縣志

略池州薄青陽城下乙丑守將朱品隆迎剿敗其前鋒斬偽潮

將洪逆俄而廟前茅坦兩路賊大至數日間近城半里環築六

十六壘又數里更築七十餘壘濱河設木城堅卡悍賊守之自是城中糧運斷絕戊辰己巳我軍分門出擊毀東門三卡西門二壘辛未壬申又在北門毀賊數卡賊圍如故會匪藩疏

粵酋古澥賢乘青陽被圍之時自太平縣竄涇踞茂林潘村賴汶鴻亦自石埭竄涇踞丁家渡章家渡會匪藩疏茂林之馬鞍山柘

南山皆賊壘焚殺居民及絕粒殉難者無數涇縣志南鄉團練記

河南團練大臣毛昶熙軍歸德分遣諸將進剿亳州捻匪先克

盧廟王廟等圩次第剿撫亳北楊廟等十餘寨及亳南之沙土

集孟窩蔣集丁固寺程竹園程北寨楊莊燕莊洪莊小吳莊穆

新莊袁樓吳西樓宋牌樓彭埠口韓胡同諸處於是巨捻張總

愚程二坎李庫等謀棄亳巢苗逆聞僧格林沁軍將至復嗾之

犯豫遂走鹿邑苗逆別遣葛小牛出潁州趨沈項豫軍紀略

八月乙亥朔英翰聞蒙城知縣賀緒蕃病至城閱視城防回小
澗遣都司黃秉忠率親軍入城助守先後於宋圩王圩南岸增
立數營以保糧路壬午苗逆移隊城西旋攻撲小澗蒙城志丙戌
夜渦河南北官軍潰退撤至小澗集守城者僅李南華練勇十
餘人會國藩片疏與都司黃秉忠游擊施紹恆兩軍知縣賀緒蕃督
同紳民練勇城守城外各圩復盡從苗英翰以孤軍獨當一面
糧路僅此一綫蒙城志戊戌總兵陳國瑞至小澗集會台英翰所
部四日內疊破賊圩會國藩片疏斬逆黨慕玉宗填王家窰河斷賊
水運蒙城志癸卯

諭

曰署理廬鳳道英翰在皖素稱得力令認真防剿

唐訓方奏奉
寄諭

前此蔣凝學攻克黃梁集苗黨倘賈金適赴下蔡乞援致令漏
網至是在蒙城句眾往壽州分掠余家集三覺寺會國藩片疏
霍邱縣志

作元年四月蔣苗逆又熒捻匪李大箇子攻懷遠阻雨不能進
癸學斬仙逆誤

丙申西竄永夏邑之交

紀略

青陽被圍月餘守將朱品隆病甚部曲亦多疾疫浙江運使李
榕馳援癸未至洪山口約水師柳壽田夜渡襲破袁橋丙戌李
榕部將鄭陽和陳由立袁橋營陷水師柳壽田亦挫退壬辰陸
師總兵喻吉三水師總兵喻俊明江西援師廣西提督江忠義
記名道府寶田先後馳至乙未喻吉三等再破袁橋戊戌席寶
田由五溪橋踰嶺破賊卡賊大潰朱品隆遣死士以蠟書至軍
言糧盡食牛馬牛馬盡食草根樹皮矣適侍郎彭玉麟來自池
州周歷形勢商令江忠義軍出董村山後爲正兵喻吉三軍出
陳村後爲奇兵李榕軍渡西岸越獅山會董村爲應兵令喻俊
明柳壽田水軍分進夾山洪山兩口爲陸軍護兵辛丑水陸大

舉破賊三十餘壘殲擒逾萬直抵城下守城之軍自內出擊悉

掃賊巢城圍乃解餘賊遯歸石埭曾國藩疏及片奏是役陣亡參將李熙華都司許和山

千總李席珍把總余才勝李華崑周玉祥楊元成劉受一張修倫胡承初諸見章鍾登高外委李得勝周新喜賀宗修張良才

青陽解圍後太平縣踞賊竄入箸嶺擾歛之許村石門為劉典

唐義訓擊退曾國藩片疏許村績溪之雄路圖練擊溪志作木村對音字也

走之翼日賊大至績溪陷團目高淙如陣亡績溪志辛卯古晉窺

羊棧嶺劉典遣總兵黃連升至黟縣趨羊棧迎剿賊退出嶺外

黟縣志

青陽迤北為銅陵縣偽跟王藍得芒竄入彭玉麟派水師擊卻

之青陽迤東為涇縣自前月古賴等逆竄擾至是月辛巳甯國

府守將劉松山督隊抵涇癸未會同涇縣守將易開俊破丁家

渡章家渡之賊弁擊敗金村援賊賊走踞水南都乙酉劉松山

易開俊馳擊茂林至則鳳村李村之賊已遁乃攻茂林潘村賊

壘俱破之礮中古會負創而歸太平縣集會國藩疏 涇縣志 南鄉團練記 以甯國

守將為張統領蓋因是役張將有章合才而誤

甯國府北水陽馬山埠踞賊乘劉松山援涇遂犯府城戊子劉

松山引軍馳回辛卯令章瑞濬等設伏敬亭山令張聲壯等陣

西城陳世隆等陣南城自督章合才等陣北城壬子賊大至撲

城我軍分門出擊大敗之奔敬亭山伏發又敗之東奔廟埠追

敗之伏尸盈路餘賊循河下竄曾國藩疏 陣亡者把總郭光武外委雷國英

時涇縣敗匪猶踞水南都糾集潰眾勢復張己亥易開俊圍四

頁村分兵襲茶阮田坊皆破之會師轉向丁塘賊潰出雲嶺越

數日仍度嶺西竄水南都踞平坦曾國藩疏

九月丁未易開俊軍次平坦令蕭開章陳青雲等分道馳擊賊

踰崖而逸辛亥搜剿晏公塘壩頭曹溪賊逃併歸風阮壬子進

軍擊溪橋設伏敗風阮之賊竄甯國縣

舊國藩疏

皖南鎮總兵唐義訓克復績溪賊竄甯國旌德

績溪縣志

初偽匡王賴汶鴻踞太平縣偽奉王古澂賢踞石埭旌德廣德

自賴逆為涇軍所敗逃甯國縣古曾遂兼踞太平及青陽解圍

通款於總兵朱品隆願獻四城貸一死品隆請於曾國藩許之

俄而太平守曾江會義旌德守曾申法喜貳於澂賢竄踞廣德

辛未總兵易開俊軍次旌德盧旺有汪民珊以城降壬申朱品

隆督易潤壇梅錦源入石埭古隆賢以城降癸酉晦喻志業入

太平縣江三以城降其眾併歸石埭分別畱遣於是石埭太平

旌德三縣並復

舊國藩疏

甯國太平以東久為賊藪是月杪自庚午至癸酉彭玉麟親督

水師會合王可陞吳坤修等陸師攻克密灣金寶圩水陽新河

莊塘溝滄溪各賊壘

曾國藩片疏並會彭玉麟楊岳斌疏

阜陽知縣尹沛清會合楚師破秦圩趙圩擒匪秦萱伏誅趙錫

如亡去

阜陽縣志

是月壬子日也乙卯楚師蔣凝學進剿陳家集之

大常張小地等圩皆平之

方略唐訓方疏

寫本作十月初七及十一日今案唐疏係十月初

四奏到不得有十月初七

是月唐訓方令總兵王萬清王才秀軍淮北岸圖小蚌埠總兵

何紹彩軍淮南岸圖老蚌埠副都統克蒙額軍渦河北岸鵬剿

均以掣蒙城賊勢

曾國藩片疏方略唐訓方疏

壬子荊州將軍富明阿至臨

淮令總兵朱慶率師援蒙城

方略富明阿疏

乙卯陳國瑞約同英翰

姚廣武督同總兵郭寶昌副將康錦文參將駱得勝等進援蒙

城越過二道賊濠直偪賊壘康錦文受傷都司李福守備馬敬

千總曹學純陣亡時宿州捻股竄窺臨渙艾憲銀訥穆錦會軍
攻毀賊圩李大箇子項盤仍踞楊溝背等圩陳國瑞以臨渙爲
蒙軍糧道屬姚廣武赴宿剿捻并截留副將張從龍一軍先剿
捻匪再赴蒙城方略疏戊午富明阿令翼長詹啟綸軍蚌埠與
王才秀相犄角庚申富明阿移軍長淮衛淮河南岸紳練田端
書姚紹珍等約同民圩毀苗逆糧儲奪其糧舟百餘乙丑詹啟
綸拔赴蒙城己巳富明阿督隊繼進方略富明阿疏李世忠亦於丁
卯日由長淮衛進兵姚家灣圍擣下蔡曾國藩片疏陳國瑞
郭寶昌宋慶英翰連日援剿蒙城軍渦河南岸攻奪賊壘方略富明阿疏

疏明阿

十月甲戌朔將軍富明阿至宿州丁丑督同副都統克蒙額侍
衛壽昌佐領委營總富陞敗捻匪項盤即相程二坎李大箇子

於唐家莊己卯至蒙城庚辰辛巳迭毀城北賊壘統帶淮蒙諸

軍署廬鳳道英翰等進攻蔡圩截賊糧路奪獲賊糧甚多李世

忠解濟蒙城雜糧千石設法併運入城不果

方略富明阿疏

當是時

苗逆圍城已半載餘賊壘數十爲塹三重署知州賀緒蕃督同

團練參將李南華都司施紹恆李得勝黃秉忠誓死固守屢出

襲賊擒斬無數然糧道久絕城內野草浮萍採食殆盡

唐訓至方疏

食死尸

富明阿疏

居民飢斃甚多

方疏唐訓

總兵陳國瑞郭寶昌姚

廣武宋慶副將康錦文都司李開春等自前月下旬至是月之

初在於渦河南岸無日不戰屢奪賊壘擒斬逆黨劉報匪徐汝

璧等我軍遂在南岸連營二十餘座聲威漸振副將張從龍又

由清江帶隊抵蒙城夜劫賊營大勝之

方疏吳業疏

於是詹啟綸進

偃蒙城賊壘令參將戴錦芳隧地道連轟數壘癸未英翰令參

將程文炳截賊蔡圩丙戌富明阿姚廣武英翰攻劉圩獲勝游擊李仕貴中礮墮丁亥戊子程文炳復敗賊孫寨陳國瑞亦敗賊李圩奪其九壘庚寅王大臣僧格林沁派翼長舒通額率馬隊至軍勢益壯我軍既合外國賊糧已斷附逆各圩紛紛薙髮投誠

方略富明阿廉

於是富明阿奉

諭幫辦

欽差大臣科爾沁博多勒噶台親王僧格林沁軍務

方略十月癸卯晦

唐訓方蚌埠之師自月初屢戰僅平北岸一壘副將陳開用等戰死王吉等水師亦有傷亡乃掘長濠以困之又解散湖溝以西各圩相率歸誠蚌埠者其地濱淮我軍進攻懷遠之要路也苗黨已革都司張士端於南北兩岸築壘拒守持久不下見長濠成各圩散李世忠之師又來會剿乃請以蚌埠降並入懷遠爲內應唐訓方許之

方略唐訓方疏

初苗逆之叛也苗黨據懷遠鳳

陽知府胡玉坦會官兵圍剿

懷遠縣志

時江南提督李世忠以臨淮

為中原樞紐遣朱元興率

發自滁州率師馳援而自督大隊

繼進由姚灣收撫淮南有餘月三日丙子由石頭埠進

克壽州之柏圩辛巳克中心渡平李萬春十四圩壬午又克八

圩撫十數圩甲申克小古墩集六圩進攻夏家砦兵勇多折乙

酉克之壽東十一圩皆潰甲午遣李顯爵率礮艇會攻蚌埠擊

賊獲勝於是張士端就撫戊戌唐訓方復兩蚌埠己亥夜進薄

懷遠庚子李世忠督同李顯慶李顯安自壽州馳至與唐訓方

會師城下急攻之內應作遂復懷遠

方略曾國藩疏
明阿唐訓方各黃略同

富

欽差大臣科爾沁博多勒噶台親王僧格林沁之甥剿蒙城也自直隸

大名督師南下月之十有四日丁亥至亳州節節進剿收撫從

逆各圩克蔣集擒匪首陳萬幅斬之辛卯進駐高爐集癸巳破

楊家集甲午杭州將軍國瑞至高爐集乙未進軍小澗集僧格
林沁亦移軍西洋集北岸之葛家樓迭攻西洋集未下丁酉僧
國瑞親率馬步各軍至蒙城會富明阿軍攻蔡圩斃賊甚多旋
回駐葛家樓戊戌國瑞復至蒙城會合富明阿攻毀城南賊壘
擊敗圍城逆眾破賊壘二十有四克蔡圩以副都統恆齡守之
己亥僧格林沁親督傅振邦陳國瑞詹啟綸姚廣武英翰宋慶
王萬清及總兵何占鼐副都統恆齡克蒙額侍衛託倫布壽昌
等分路進攻連拔賊壘賊大潰其南岸壘三北岸壘五悉破之
是夜首逆苗沛霖越濠出竄總兵王萬清以短兵誅之旋戮尸
梟示蒙城圍解運糧入城軍民慶再生歡聲動地託倫布陳國
瑞追殺逸匪殆盡副將張從龍獲苗憬開張建猷趙克元均伏
誅

阿疏

方略僧格林沁國瑞富明
國史僧格林沁傳

詹啟綸克歐王堡收撫百數十

圩明

方略富疏

壬寅陳國瑞英翰宋慶李世忠會克下蔡參將王

品裕執苗逆妻徐氏逆子苗連生俱就戮逆妾六人女一人先

已自盡

方略僧格林沁疏又富明阿

曾國藩片疏

癸卯晦僧格林沁派兵

攻克西洋集斬捻首葛春沅其渦南之葛家圩經恆齡等收撫

十處其石弓山之張家樓等圩經翼長蘇克金收撫李大箇子

十六砦魏羣兒十砦均薙髮歸誠淮甸漸就肅清

方略僧格林沁疏

史列傳

是月丙子涇縣守將易開俊率歐陽廷易致中蕭開章陳裕英

陳名鈺敗粵逆江會義等於東安鎮賊竄株木店甯國府守將

劉松山截剿獲勝移師會陳裕英復甯國縣丁丑廣德降將率

眾來歸叛酋江會義申法喜乘虛仍踞州城己卯彭玉麟楊岳

斌鮑超吳坤修會克東壩建平降將張勝祿斬偽跟王藍得在

仁一作藍舉城降鮑超部將馮標復建平曾國藩彭玉麟楊岳斌疏

十一月甲辰朔副將康錦文軍壽州苗黨李萬春以城降遂復

壽州張從龍破童維翰逆巢截殺賊黨陳汰和等百餘人執苗

希年父子方略僧格林沁疏案曾國藩片疏據李世忠報

文收復壽州後初三日李營馬步進城殺守門勇丁經我軍迎

敵將該隊逐出城外當飭陳國瑞親往會李世忠彈壓又案全

椒縣志李世忠部將杜宜魁為壽州官兵所殺提督

朱元興亦被害俱兄僧格林沁覆奏及曾國藩疏

乙巳蔣凝學成大吉攻潁上毀近城七圩丙午復潁上縣丁未

毛有銘攻正陽關苗黨朱萬濫以關降適僧格林沁遣將康錦

文富明阿遣將程文炳前來招撫遂會同受降收復正陽關方

丁未福州副都統蘇克金攻捻匪相盤於石弓山克其南圩杭

州將軍國瑞率隊馳至會克北圩執相盤相學里李貝兒悉伏

略曾國

誅收復百有餘寨永宿肅清副都統恆齡亦收復渦南蒙亳阜陽境內八十餘圩斬逆首葛小牛鄒渙淋龔耀及逆黨多名程二坎赴恆齡營投誠皖境漸清僧格林沁移軍入豫剿張總愚

方略僧格林沁疏

乙卯亳捻竄豫過太和團練擊之練總朱松年及子純修俱戰

歿

太和縣志

富明阿言皖北圩多練總權大倚勢抗官積久黨多勢橫尋仇焚殺如苗沛霖之釀成巨患宜平各圩使捻黨不致負固削練總權使團練不敢抗官唐訓方亦言自捻匪橫行前撫臣仿堅壁清野法使民築土爲圩修兵器以自衛旣而焚輒石增雉堞限重濠堅如城郭各立圩主抗錢糧擅生殺州縣官禁令不行今宜平毀圩砦革圩主名目不得斂費抽丁設局獻事事權一

歸有司至皖北地方遼闊應添設重鎮及改移增置州縣臣與
僧格林沁會國藩會商辦理以上並方略於是設渦陽縣及龍山營
之議始此渦陽志是年十一月乙丑

諭會國藩等皖北善後事宜撫綏教養尤關緊要全在地方官吏慎選
賢能收令妥爲經理至團練用民自衛修堡築砦以資守望而禦寇
賊詎非良法乃或奉行不善往往輒滋弊端甚有敢行倡亂如苗沛
霖劉德培李瞻等致煩兵力本日復明發申諭各督撫其善體此意
得人而理期於有備無患曾國藩咨札彙纂錄

三年正月二日甲辰偽侍逆糾堵逆及廣德餘匪由甯國上竄

曾國藩疏入叢山關續漢志戊申績溪陷進踞雄路孔靈庚戌唐義訓

出徽州府城軍吳山鋪進毀雄路賊館閩浙總督左宗棠自屯
溪馳至會攻辛亥王開琳自臨溪驅賊至七里牌抵城南賊退

入城唐訓方夾擊之賊出逃遂復績溪

曾國藩疏

湖北敗捻聞入宿松掠鄉村水師退東南要隘賊潛由西北逃

去

宿松縣志

三月僞聽王陳炳文僞侍王李世賢僞康王汪海洋由浙犯徽

一由昌化出老竹嶺

一由孝豐出甯國績溪兩縣

曾國藩疏

出績溪

者一過而已不暇侵掠

績溪縣志

畢萃於徽州東南壬子休甯防軍

毛有銘至府城癸丑出軍歙東鎮將唐義訓出軍歙南南軍戰

勝於方村將追賊聞東軍挫於新管

一作西館

乃還賊已由吳山鋪

分擾桂林別擾出藍田富塢自東而北而西直撲府城甲寅唐

義訓擊卻之出城北分道江村沙村毛有銘出城西分道一趨

古虹橋戰於富塢部將金茂榮等陣亡一趨鄒村塢田戰方酣

唐義訓擊敗江村沙村之賊亦由富塢渡河而來合軍夾剿徧

搜場田槐塘棠樾唐謀各村落斬馘頗眾賊乃走巖市入屯溪
圍防將羊寅洪良輝等營毛有銘宵援屯溪戰達旦圍解賊竄
龍灣上溪口丙辰唐義訓剿賊齊雲山麓分軍攻賊後路自蘇
村霞川驅出深渡俄聞侍逆分竄巖市自率悍黨出深渡過河
唐義訓令王品高等畱守朱村自督葛清泰等馳守篁墩丁巳
朱村軍挫李祖祥等死之篁墩軍來援亦挫賀義和等死之唐
義訓被圍毛有銘自屯溪馳援圍解出陷伏中大挫幾不能軍
毛有銘夜還屯溪戊午唐義訓還入府城賊已西偏休甯布長
圍以困府城府東接踵賊至連日薄城唐義訓擊卻之休甯守
將劉長春亦於己未庚申截賊於溪邊村再截之於汪金橋下
汶溪藍田渭橋賊見兩城守禦尙固乃由龍灣趨婺源曾國葵
源民圍戰於迴嶺浙嶺多有傷亡者婺源縣志人物賊入婺源境以達江

西之德興玉山智勇藩疏 甲寅陣亡者參將金茂榮守備楊

千總謝捷勝楊德和都司賀義和左茂中守備謝國雄盧大忠千總黃炳如把總王炳信

巡撫喬松年駐軍臨淮檄按察使英翰扼雉河副都統克蒙額

總兵張得勝等分防潁宿之間備禦擒匪張總愚松年疏 方略喬

甲子江南提督李世忠歸天長全椒五河等城國藩疏 方略曾

四月壬申李世忠歸來安乙亥歸滁州及六合等城出資遣散

兵勇開缺回籍同上

江陰楊舍及常州敗賊偽列王林逆偽麟王朱逆偽爵潘忠義

等由丹陽湖州上竄昌化入老竹嶺至歙之大埠智國分竄續

溪之臨溪續溪志係於五月誤庚辰夜徽州守將唐義訓伏兵

鍾塘嶺辛巳敗賊前鋒休甯防軍金國琛毛有銘會師富場夾

擊之賊敗逕黃山小徑壬午為唐義訓所敗智國走休甯藍田

出西鄉張村休甯縣志癸未唐義訓金國琛毛有銘會軍漁亭敗

賊於五弓橋又敗之於齊雲山麓甲申又敗之於藍渡獲偽列

王斬潘忠義賊大潰奔西館乙酉奔牌嶺當金街走上溪口竄

江西曾國藩疏
休甯縣志

時擒匪盤旋於豫之光羅皖之英六楚之斬黃粵匪則意在赴

援江甯阻於江楚防軍不能東下亦分竄三省閒自四月以後

此出彼沒來去靡常豫皖楚諸軍大小數十戰所擊皆粵匪而

擒匪實與之合云豫軍紀略

五月粵匪陳得才與擒匪張佃江豫軍紀略合竄湖北東陽趨向東

南巡撫喬松年於潁州六安三河尖正陽關壽州定遠鳳陽臨

淮設防按察使英翰駐軍亳州雒河大臣曾國藩令總兵曾承

堯守廬州總兵何紹彩守巢縣總兵陳國瑞奉

諭飭赴臨淮先派總兵郭寶昌一軍來皖喬松年間賊由孝感竄黃安

麻城距英山霍山不遠卽令郭寶昌馳赴六安會同安肅道蔣

凝學防剿郭寶昌尋駐懷遠

方略喬松年疏

庚戌廣德踞逆江會義糾眾援浙江之長興蘇州軍總兵郭松

林楊鼎勳道員潘鼎新太湖水師提督李朝斌淮陽水師總兵

劉士奇疊擊破之

李鴻章疏

六月粵捻各賊竄麻羅英霍間會國藩令運使李榕率師守桐

城

桐城縣志

丙子陳國瑞一軍至正陽關按察使英翰由雒河移軍

潁上參將程文炳填紮雒河

方略喬松年疏

喬松年言楚境賊勢東竄民間築圩固守實合堅壁清野之策

且除暴誅奸在分別良莠不盡在圩之有無舊日從賊各圩已

毀不準復設其良善多圩暫免平毀遇有寇警完聚入保俾賊

無所掠易於剿辦俟軍務大定仍一律平毀不任稍貽後患方

略喬松年疏

乙酉金陵大軍克復江南省城擒偽王李秀城洪芒達等斬偽

王偽將及大小酋目三千有奇逆賊盡數撲滅尋剿逆首偽天

王洪秀泉尸焚之

平定粵匪方略官文曾國藩等疏

偽幼逆洪福瑱

一名添潰福

奔

廣德

左宗棠及沈葆楨各疏

七月賊由羅田窺伺英山縣界陳國瑞由英山進剿旋經僧格

林沁調赴麻城并檄英翰一軍由潁上赴商城策應陳國瑞後

路時喬松年由臨淮移軍壽州以總兵朱淮森一軍守正陽關

建甯鎮總兵張得勝一軍守六安安肅道蔣凝學一軍守英山

方略喬松年疏

蔣凝學營於金家埠

英山縣志

羅田之賊趙英山越嶺撲金家埠營

蔣凝學擊敗之旋復來圍蔣凝學連日苦戰擒斬千餘圍始解

守備廖得隆千總尹金山金振聲余泗明龔必勝外委張志喜

先後陣亡

方略喬松年疏

蔣凝學移營入英山城丙寅賊逼近縣城

蔣凝學督會兵圍擊退

英山縣志

喬松年檄副將張景春由下蔡移

六安協守

喬松年疏

偽昭王黃汶英挾偽効逆據廣德江蘇巡撫李鴻章檄提督劉

銘傳由建平進剿總兵周盛波敗賊於橫山頭追奔抵城西深

陽守將周盛傳亦率師至賊遯丁卯復廣德州

李鴻章疏廣德州志

八月湖州敗匪竄入績溪之登源團練擊退由歙之江村富場

竄江西

績溪縣志

其偽堵王黃汶金由廣德竄昌化偽偕王譚體沅

偽昭王黃汶英先後由廣德竄蜀口均爲江蘇官軍所敗斬譚

逆

李鴻章等疏

庚午僞端王藍城春併馬融和等竄過松子關將趨皖豫軍張

曜襲破賊壘壬申糾陳得才之眾回關張曜迎剿敗之追及於

六安州之毛坪流瀑墮

豫軍紀略

賊竄金家寨其地在六安霍邱之

閒旋分竄八里灘楊家灘時按察使英翰從麻城追賊回皖偕

總兵郭寶昌等繞出賊前正與賊遇痛加剿殺擒斬甚多賊氣

奪返奔英翰駐軍相家灘連日進攻金家寨克之賊不得逞志

於六安遂南竄英山霍山圍攻蔣凝學之軍并分擾潛山邊境

疏

方略稿松年
霍邱縣志

蔣凝學自擊退撲城之賊英山城池得完厥後松子關之賊斬

水之賊羅田續至之賊英山受創之賊愈聚愈眾環布長圍自

個城壘糧運文報俱絕蔣凝學忍饑誓眾屢戰獲勝先後俘斬

解散者數千

曾國清疏

九月英翰郭寶昌向霍山躡剿分兩路進兵賊大奔潛山之賊

亦折回併竄西南我軍節節緊逼追至英山方略云駐同里

石頭背夾鋪四而堵剿賊見援軍大至退竄斬羅先是大

臣官文檄蔣凝學援剿羅田又檄赴援皖北之劉連捷朱南桂

朱洪章三軍赴鄂會剿至是大臣曾國藩添調易開俊李榕王

可陞諸軍同為劉連捷等後路策應部勒甫定而鄂境之賊為

僧格林沁擊敗方略云月之乙丑日也在於蘄州之張

家灣賊分兩股遯陳大禧等竄英山以東芭茅街楊柳灣諸處

並豫軍紀我軍初敗之於楊柳灣再敗之於土門河紅花界賊

竄商城豫軍紀略粵匪部官文等疏其張總愚等股走宿松

望江之閒豫軍紀略東竄潛山焚掠太湖西北鄉橫竄霍山會

劉連捷等軍至太湖英翰郭寶昌何紹彩等軍至霍山張得勝

一軍由流波墮亦赴霍山王大臣偕格林沁親督諸軍至英山

賊驚竄

方略喬松年又督國藩疏
英山太湖霍山霍邱各縣志

偽幼逆洪幅瑱先由廣德走浙江回竄甯國績溪又走浙江遂
安入江西是月癸亥江西軍記名按察使席寶田游擊周家良
獲幼逆於石城荒谷伏誅粵匪平其偽珥王洪芒珥偽英王洪
芒政偽昭王黃汶英前已爲席寶田所戮

沈葆楨
等疏

其餘黨先後

由浙江竄皖南者徽州防將易開俊疊敗之於山陽阮六甲嶺
胡須嶺唐義訓金國琛敗之於豹嶺佛嶺黃備嶺又大敗之於
鎮口死降散逸者十之六七唐義訓又遏諸草市金國琛截諸
小溪分軍出連嶺白際嶺馬金嶺賊疾走遂安入章村我軍追
及郭村斬三百餘級賊橫竄馬石橋出豐口由開化走華埠奔
入江西皖南肅清

曾國
藩疏

十月戊辰朔王大臣僧格林沁駐英山英山縣志親督馬步諸軍及

升任布政使英翰等軍追賊太湖潛山英山霍山接界由漫水

河折回黑石渡殺賊數萬太湖英山霍山霍邱渦陽等縣志於是賊目汪世第

張啟才李宏揚陳錦源率眾二萬投張得勝何紹彩軍乞撫喬

松年令總兵徐鵬馳往受降偽天將馬融和投英翰郭寶昌軍

偽朝將魏康福范立川陳漢泰周添順投蔣凝學軍先後皆降

偽扶王陳得才仰藥死蔣凝學掘其尸於長嶺獻大營戮之

豫軍紀略及各奏報僧格林沁督軍至黑石渡賊震懾逆酋溫其玉黃汶

告等率眾棄械乞降並將偽端王藍成青解營正法計受降約

數萬人國史僧格林沁傳藍成青即藍城春豫軍紀殘匪

僅數千偽導王賴汶洗翠之併入捻匪任柱黨內仍與張總恩

合張總恩復與陳大溍合趨豫境裹脅復眾易步為騎矣豫軍紀略

癸未僧格林沁由黑石渡次於白塔吸召民間父老慰問周恤

之

霍邱縣志

督軍入豫

方略喬松年疏

十一月喬松年英翰令副將黃秉忠搜查潛山太湖英山霍山

各縣山中並無賊跡又飭游擊翁開甲會同署潁州知府李文

森搜捕阜陽霍邱接境之趙家寨匪首趙錫如逃往河南正陽

縣境千總張春第擒之伏法

方略喬松年疏

喬松年以皖省賊踪甫淨營務及地方善後需員請調江蘇道

員金以誠前署廬鳳道孫衣言來皖差遣

上從之

方略喬松年疏

四年正月

命布政使英翰等軍赴河南協剿喬松年言郭寶昌蔣凝學兩軍已入

豫請留英翰防潁州并備援豫東令黃秉忠一軍赴豫乙卯拔

行向陳州以黃鳴鐸軍守亳李南華軍守蒙城

方略喬松年疏

三月擒匪竄山東曹單等縣宿亳告警布政使英翰移軍雒河

集高爐集

方略喬松年疏

甲子晦賊竄及邳州境

豫軍紀略

四月邳州宿遷皆有賊蹤

喬松年疏

丙寅入泗州虹鄉

虹鄉志

英翰移

軍宿州朱淮森并淮河水師由正陽關移防臨淮壬申劉銘傳

自六安拔隊出境迎剿過壽州張得勝由六安移軍泗州

方略喬松年疏

疏

擒匪張總愚等踰伏山東鄆城西北水套中

欽差大臣科爾沁博多勒噶台親王僧格林沁督軍進剿甲午戰曹州

府城西陷伏薨

國史僧格林沁傳瑞等疏豫軍紀略

五月戊戌

命欽差大臣協辦大學士兩江總督一等毅勇侯曾國藩督辦直隸山

東河南等省軍務地方文武均歸節制

方略 方己未督師出省

疏藩

徽州府及休甯防軍譚餉爲變鎮道與知府劉傳祺弭定之曾國藩劾唐義訓金國琛張鳳翥及各營官尋捕獲滋事勇丁正

法徽屬平

曾國藩奏案
彭縣志表

山東嘉祥收賊竄皖境張總愚賴汶沆擾亳州及雉河集石弓

山白龍王廟牛烙紅擾潁州府之江口集沙河沿任柱李允擾

宿州之臨渙集龍山諸處

紀略

庚戌犯義門集副將劉先文臨

渙州判署義門巡檢金耀奎擊退獲賊謝汰來斬之守備王明

盛丁汝貴千總顧從和陣亡

縣志

辛亥犯龍山守將總兵黃秉

忠歐玉標擊走王家密王子英翰令知府史念祖副將徐名揚

會剿王家密勝之戊午賊襲陷高爐集

商松年疏

辛酉總兵易開俊

軍至蒙城王戌賊撲牛師韓營

報國

攻雉河英翰拔龍山黃秉

忠軍至西洋集與易開俊會商進剿令歐玉標史念祖堅守雉

河屢次擊殺不少

方略喬松年疏

程文炳牛師韓方長華蔣得玉倪

天元李先義徐登善劉廷幹劉思忠諸將前候補知州王峻續

總貢生王榮甲等分布扼守

潯陽縣志

閏五月壬申牛師韓焚毀方圩甲戌游擊徐登善焚孫家樓攻

觀音寺丙子克之毀賊五壘英翰進紮果家圩李家樓以偪高

爐集乙卯會攻張圩賊別犯西洋集爲縣丞邊懷曾等擊敗其

分犯小洲集者爲副都統克蒙額等擊退蒙城民圩如立岡蔡

湖謝墮侯樓諸村皆能擊賊練丁均有傷亡

喬松年疏

自庚辰至丁

亥英翰力疾攻張圩苦戰累日殺賊毀濠己丑破張圩

軍報朱淮

森攻克江口集餘賊仍逃回雉河

喬松年疏

庚寅英翰黃秉忠

克高爐集雉河聲息已通英翰帶隊前進遣死士入圍馳書守

將堅忍待援

方略曾國藩喬松年疏

當是時曾國藩於辛未日次清江聞雒河被圍以英翰藩司大員素稱皖北得力之師蒙毫雒河皆羣捻老巢前經親王僧格林沁擒斬各酋肅清其地定議設立新縣今髮捻四支合一併力爭此窟穴亟宜援剿檄黃翼升水師由高良湖進洪澤湖以達臨淮檄周盛波陸師由徐赴宿援蒙毫又飛調劉銘傳軍自濟甯回徐按皖而自率金陵甯國等軍乙酉發清江壬辰至臨淮曾國藩疏周盛波於辛巳壬午疊敗宿境之賊走州西引兵由蒙城赴雒河戊子會攻西洋集軍報蒙城縣志水師攻江口集後上駛與易開俊陸師合紮西洋集軍報劉銘傳倍道疾馳丁亥至瓜州由灘口進剿方略曾國藩喬松年疏

漕督吳棠聞雒河待援令總兵姚廣武由灘溪口臨渙進逼雒

河東北飭徐海道張樹聲分兵扼灘口

方略
吳棠疏

河南巡撫吳壽昌聞雉河受敵飭張曜宋慶等軍由烏橋集進
援程之偉前驅赴亳張曜宋慶蔣希夷湯聘珍等繼進趨亳東
辛未抵亳敗賊於渦河北岸丙子敗賊渦北孟窩戊寅敗賊於
寺兒集己卯進屯百尺河辛巳破渦南廖樓斬擒首廖和尙王
午降帖木兒等聚破龔李莊抵義門鎮解其圍丙戌戰沙木橋
擒擒匪何木滌等壬辰拔程家園癸巳晦大雨克張家花園進
屯余樓距雉河僅十八里

吳壽昌疏
豫軍紀略

六月二日乙未劉銘傳攻崔家樓孫家砦皆破之石弓山龍山
之賊皆潰雉河之賊聞風膽落豫軍又在余樓聲勢益壯英翰
張得勝康錦文克蒙額會台周盛波周盛傳周壽昌劉啟福楊
安典分兵合剿破賴汶洗牛烙紅等於渦南破張總愚任柱等

於渦北丙申轉戰而前雒河守將程文炳史念祖等突圍夾擊

賊大奔由南北兩路而西竄雒河圍解

方略曾國藩喬松年疏

雒河解圍後賊分道西竄西北爲張總愚等酋西南爲賴汶洸等酋由太和趨陳州曾國藩檄劉銘傳赴周家口與烏爾圖那遜等馬隊援陳檄周盛波步兵駐亳託倫布騎兵入豫并言此賊已成流寇官軍勢成尾追擬於擒匪必經之途如周口徐州臨淮濟甯四處各駐重兵關頭擊之以有定之兵制無定之賊此外請

旨下湖北河南督撫於隨聚黃麻鞏洛宛鄧各駐警旅一支變尾追爲

迎剿

方略曾國藩疏

賴汶光等酋之西竄也庚子至元牆集及茨河南岸辛丑英翰進剿獲勝壬寅奪回橋隘進軍大韓莊丁圩戰賊於太和之十

二里廟及舊縣集黃秉忠追入其壘克蒙額入城癸卯英翰自

北拚擊城中出隊自南夾攻附城之賊遁去追至舊縣迤南三

日三戰三捷賊竄豫境

軍報 十二里廟之戰陣亡者協領密成常星阿驍騎校祥德千總王懷山

突入淮甯

豫軍紀略

七月戊申賴汶洸等敗於汝甯走項城沈邱竄入阜陽之黃花

嶺李家橋

豫軍紀略

陳大禧牛烙紅任柱繼至賊騎駛長官店王化

集英翰在潁州令道員史念祖等邀擊之王辰晦敗之於迎仙

店李圩參將徐名揚又破諸大蔣莊

方略喬松年疏

八月任柱等踞迎仙店圖襲三河尖張得勝黃秉忠由固始回

軍擊於烏龍集康錦文蔣希夷從沈邱黃牛嶺躡賊後路劉銘

傳劉盛藻等自周口馳援從中橫擊敗諸瓦店史念祖徐名揚

亦敗諸迎仙店賊退入高圩豐清阿等攻克高圩任柱牛烙紅

奔豫境牛師韓等分道追至新蔡東鄉而還

方略喬松年曾國藩疏

九月曾國藩令知縣桂中行朱璣查辦蒙城民圩知州張雲吉

查辦宿州民圩

蒙城縣志宿州志

十一月賴汝洸等自光州敗竄固始喬松年令張得勝黃秉忠

兩軍援剿丁亥敗諸固始西城戊子再敗諸陽關鋪賊奔墨斗

關

方略喬松年豫軍紀略

十二月麻城成大吉軍譁變捻匪亦由豫犯麻城羅田喬松年

令總兵王開勝率師守英山王才秀自三河尖赴羅田

方略喬松年

疏安慶防兵極單其西路與楚境毗連是月杪署總督李鴻章

檄南贛總兵王永勝率淮勇駐宿松二郎河防剿

方略李鴻章疏

五年正月張牛任賴羣捻分擾湖北境曾國藩令劉銘傳馳剿

喬松年檄張得勝赴楚皖交界之松子關會王才秀堵剿丁亥

賊由麻城東趨入皖張得勝等力扼之

方略喬松年疏

三月辛卯朔張得勝等軍戰任牛諸賊於麻城破賊卡八十有一陣斬二千餘級追至盤龍集賊竄入豫復由光州趨固始迎河集將入皖庚子黃秉忠敗諸陽關鋪張得勝由商城繞出賊前夾擊之賊仍走光州

方略喬松年疏

任牛賴等逆自劉銘傳克黃陂後由鄂而豫而皖丁未戊申賴逆由新蔡陽埠將渡河任牛由光州分竄阜陽之韓集及銅陽城偃阜陽之沈邱集程文炳擊賴逆於淇河又擊任牛於沈邱集四次獲勝張樹珊亦自周口分軍至陳州之沈邱縣賴逆已南奔撲三河尖竄潁州江口集自潁州府城西南龍會集至東南忠心岡皆賊也甲寅英翰史念祖郭寶昌擊之於城南大橋滾營前進追擊大勝時張得勝黃秉忠王才秀諸軍由豫馳回

喬松年令張得勝由中心岡王才秀由南召集英翰督同黃秉忠史念祖程文炳徐鶚仍由大橋集三路進剿戊午大破之先是賴逆之撲三河尖也劉銘傳在界溝聞之移軍躡剿丙辰至潁州丁巳進戰田市集戊午由楊家圩進戰生擒逆酋京添幅馬太山賴逆敗潰己未晦追敗之於白果園副將胡鳳階千總劉得發戰死適張得勝英翰程文炳追賊薛店遂與銘傳軍夾擊復大破之水師黃鳴鐸等亦殲斃渡河之賊賊仍竄豫三月庚申嗣張得勝程文炳等軍會合劉銘傳軍追剿入豫曾國藩松年疏豫軍紀略及各路軍報

四月壬寅任賴等逆撲泗州將窺清淮張得勝截之五河追殺至薛莊賊奔靈璧圍固鎮將渡河黃鳴鐸以戰船塞五河滄河口程文炳率騎兵敗賊固鎮又敗諸任橋半店英翰等軍節節

進攻大破之奔宿州適周盛波由亳州迎剿敗之折回宿州壬子竄河南永城周盛波程文炳等軍追及於胡莊寨連敗之走歸德丁巳爲豫軍所敗戊午晦折竄永城夏邑之交喬松年疏

疏

五月二日庚申周盛波襲任賴等匪永夏之交辛酉竄徐州境將與張總愚合丙寅爲徐軍張詩日等擊敗周盛波追至又敗之張逆走虞城以西牛逆走永城亳州鹿邑任賴由桃山走宿州竄懷遠渡渦南掠下蔡踞鳳臺縣之平阿山與張得勝等軍相持日久王永勝自宿松移軍臨淮辛巳馳至懷遠癸未幫辦曾國藩軍務江蘇按察使劉秉璋軍至蒙城周盛波追牛逆由永毫至鹿邑之馬家寨回援甲申至潁州東莊援師四集任賴已爲英翰張得勝擊敗於陶王集棗木橋遂自平阿山西竄趨

雷陵口欲渡沙河復爲周盛波所敗丁亥晦竄太和六月戊子

朔竄港溝劉秉璋英翰等軍追擊之

曾國藩疏
宿松懷遠太和等縣志

曾國藩以捻匪已成流寇當制賊不流旣立四鎮四游之兵復建分地設防之議前此察看黃運兩河防務次張叔會直隸總督劉長佑山東巡撫閔敬銘議自范縣豆腐店以上如東明長垣等處統歸劉長佑設防豆腐店以下如張秋東阿等處統歸閔敬銘設防又閱視運河南北兩路新築隄牆分汛設守並採上年劉銘傳扼守沙河之議與河南巡撫李鶴年安徽巡撫喬松年議自周家口以下至槐店止扼守沙河自周家口以上至朱仙鎮止扼守賈魯河由曾國藩設防自朱仙鎮以北四十里至汴梁省城又北三十里至黃河南岸無河可扼掘濠守之由李鶴年設防自槐店以下至正陽關仍守沙河由喬松年設防

自正陽關以下卽淮河由曾國藩派水師與院軍會防各分汛地層層緊逼逐捻於西南山多田多之處以湘淮數枝游擊之師剿剿疏入

上允之

曾國藩奏案

蓋自剿捻以來多尾追之師主客勞逸勢不相及分地

設防以後雖兵情賊勢屢變而大功底定實不外制賊不流之

策云

豫軍紀略

九月巡撫英翰派兵駐壽州防淮河已已馳抵潁州布置沙河

防務令郭寶昌駐軍河南界之槐店程文炳駐軍河南安徽交

界之沈邱集

方略英翰疏

十一月丙辰朔

命曾國藩回兩江總督本任江蘇巡撫一等肅毅伯李鴻章

授爲欽差大臣專辦剿匪事宜

方略

方時賊聚潁西築防潁東以偏之圍

未合賊潰出大掠齊魯間南入楚

孫軍紀略

戊寅巡撫英翰由固始回潁派分兵駐英山霍山固始兼顧潛

山太湖六安以杜湖北之賊尋飭郭寶昌移駐商城程文炳駐

息縣烏龍集方長華移商固霍邱交界之葉家集仍令黃秉鈞

黃秉忠

穆紫固始並令張得勝分紮英霍山中顧安慶地西邊

圍

方略英翰疏

六年正月巡撫英翰令總兵郭寶昌率兵四千援陝西庚申拔

隊啟行時張總愚捻股西擾任柱賴汶洸等東竄郭寶昌之西

援也並願沿途迎剿東竄之賊

按此軍剿平捻匪後入陝於八年秋開克復靈州所屬金積堡

老巢十年二月初二日奉

上諭金運昌著賞穿黃馬褂二月任賴等匪出靳水廣濟趨宿

松二郛河英翰檄前敵諸軍由英霍分道速進而自統師督戰

癸卯發潁州取道霍邱丙午次六安時提督黃秉鈞已由潛山

同知方長華由英山總兵張得勝由霍山先後並進李鴻章亦令淮軍劉秉璋至太湖周盛傳至宿松防剿戊申英翰由六安馳抵舒城聞賊已折趨麻羅窺光固張得勝敗賊於羅田之馬鞍山淮軍李昭慶亦至麻城皖軍黃秉鈞程文炳並分路前進賊宵遁黃陂安慶西圍解嚴英翰改道霍山三月己巳次商城五廟集取道固始回潁州籌北路蒙亳之防己卯閱河防於太和會李鴻章於周家口定會剿之議四月丁亥還潁州

方略英翰疏

六月戊戌巡撫英翰閱河防於宿遷皖軍萬三千餘人沿運河起貓兒窠灘上訖桃宿界之仰化集上下袤長百六十餘里

段防守水陸各軍互相聯絡並與上下游湘淮諸軍首尾銜接

方略

當是時賊竄萊陽膠州大臣李鴻章復議偪賊於海隅

徵各省兵緣膠河築重圍畫地以守

李鴻章疏

巡撫英翰布置

連防後卽簡兵萬人令總兵程文炳統之備赴山東膠防助剿

方略

英翰疏

七月丁卯任賴等匪自卽墨犯膠防防軍擊卻之辛未於海神

廟突過膠河

豫軍紀略

竄至沂水巡撫英翰調李得勝一軍益運防

巡徼宿遷上下令參將牛師韓副將徐登善率三千人向鄰近

迎剿八月己丑牛師韓徐登善率同游擊劉思忠都司牛安邦

剿賊郟城大勝之千總劉玉清戰歿是夜復敗賊於城東先後

斬三百十五級生擒悍賊四百三十有四奪獲旗幟千四百有

奇師還宿遷當郟城接戰之時副將李得勝亦於紅花埠擊退

分竄之賊斬六級擒賊十有三癸巳賊犯運防提督黃秉鈞總

兵余先元王才秀參將李華東禦之凡七日疊有斬擒晝夜巡

防目不交睫英翰復嚴飭將領申明紀律信賞必罰將士益奮

自己亥至辛丑三日閒黃秉鈞徐登善余先元牛師韓王才秀程文炳張得勝剿賊於九孔橋於小陽莊於順河集於劉家圩於車路口於小沙河於小店集於張圩於新集連獲大捷斬千一百餘級生擒六百有奇救出難民五千餘人宿遷東北肅清運防解嚴賊竄沂境淮軍追之英翰檄程文炳方長華率師入

東會剿

英翰疏方略

十月癸卯淮軍提督劉銘傳豫軍副都統善慶會師贛榆破賊城下善慶親發火鎗中逆首任柱伏誅

李鴻章疏

李鴻章疏 年疏 豫軍紀略 自任

逆伏誅後賴逆北走疊為淮軍所敗十一月由諸城折回贛榆

南窺運防

方略張兆棟疏

時巡撫英翰父憂兩疏守制奉

諭經從戎署理巡撫十二月丙戌親督諸軍馳赴運防敗賊於宿遷斬殺甚夥匪首劉淮張淙張瀾山蔡志誠謝得洸王瀾等眾先

後投誠

英翰疏方略

十二月逆匪偽增王賴汝洸潛走揚州將遯海上辛卯至萬福橋為揚州防軍道員吳毓蘭部卒所執送曾國藩獄問繫獄以聞

命就地凌遲處死粵匪餘黨悉平

曾國藩李鴻章疏 偽輔王楊輔育後於同治十三年七月

月在福建經安徽巡撫英翰派員捕獲見閩浙總督李鶴年奏案乙未擒首偽衛王李允竄來

安盱眙前江南提督李世忠督練迎剿降其眾三百餘人李允窮蹙詐降送英翰行營奉

上諭就地正法傳首淮北等處東擒平

英翰疏方略

英翰令提督程文炳率師援山西總兵牛師韓道員方長華援

河北

英翰疏方略

七年正月擒匪張總愚北趨巡撫英翰令程文炳兼程疾馳會

合夾擊並令牛師韓等軍遡行而自率馬步各軍赴汴梁候

旨督師北上入衛京畿

英方翰疏

時賊盡易步爲騎一日夜奔馳三百里

已由臨洺關擾順德巡撫英翰等督軍赴援賊遂由順德雞澤平鄉鉅鹿疾駛二月壬午郭寶昌馳至獻縣會合劉松山張曜等軍擊賊南遮阻於滹沱遂沿河東竄戊子追及之於深州宵襲錢莊張逆率黨北竄辛卯追及之於清苑縣之張登高碑店諸處斬獲數百癸巳敗諸西華集復蹙諸饒陽程文炳追賊深澤晉州等處擒斬悍賊甚多賊目張和尚張玉均爲郭寶昌鎗斃並斃張逆之姪張五孩五孩極凶狡張逆倚之猶賴逆之任柱也由是賊氣奪遂向滹沱淺處竄渡西駛三月乙卯牛師韓方長華敗賊於修武迤南辛酉郭寶昌程文炳敗賊於封邱幾獲張總愚四月李鴻章議困賊於黃河北運河東徵各省兵臨

河而壘凡三月壘成賊求出不得勢日蹙六月戊午敗於玉林
鎮又敗於河套戊辰大敗於柱平賊瓦解張總愚自殺不殊遂
沈於河伏誅擒匪平

李鴻章等疏豫軍紀略於是諸軍奏凱奉

旨加各統兵大員及在事文武爵賞有差八月奉

上諭擒逆蕩平官兵凱撤勇丁還里各督撫等其慎選牧令安良除暴
以靖地方十一月壬辰

諭曰逆氛流毒海內十有八年我

皇考文宗顯皇帝命將出師救民水火憂勤日昃

廟略昭宣朕御極後欽承

先烈並仰遵

慈安皇太后

慈禧皇太后

懿訓激勵將士迭殲羣醜幸賴

吳蒼默佑粵捻各逆次第蕩平迫溯艱難敢不誌後懲前益深惕勵其
照禮部所請編輯成書以資省覽

部報

謹案剿平粵匪

方略四百二十卷剿平捻匪方略三百

卷三十